

唐書合鈔

唐書卷第十九

本紀十九

武宗

武宗至道昭肅孝皇帝諱炎穆宗第五子母曰宣懿皇后韋氏元和九年六月十二日生於東宮長慶元年三月封潁王本名漚開成中加開府儀同三司檢校吏部尚書依百官例逐月給俸料初文宗追悔莊恪太子殂不由道乃以敬宗子陳王成美爲皇太子開成四年十月宣制未遑冊禮五年正月二日文宗暴疾宰相李珣知樞密劉宏逸奉密旨以皇太子監國兩軍中尉仇士良魚宏志矯詔迎潁王於十六宅曰朕自嬰疾疹有加

無彥懼不能躬總萬機日釐庶政稽於謨訓謀及大臣  
用建親賢以貳神器親弟潁王漙昔在藩邸與朕常同  
師訓動成儀矩性稟寬仁俾奉昌圖必諧人欲可立爲  
皇太弟應軍國政事便令權勾當百辟卿士中外臣庶  
宜竭乃心輔成予志陳王成美先立爲皇太子以其年  
尚沖幼未漸師資比日重難不遑冊命迴踐朱邸式協  
至公可復封陳王是夜士良統兵士於十六宅迎太弟  
赴少陽院百官謁見於東宮思賢殿三日仇士良收捕  
仙韶院副使尉遲瑋殺之屠其家四日文宗崩宣遺詔  
皇太弟宜於柩前卽皇帝位宰相楊嗣復攝冢宰十四

日辛巳受冊於正殿時年二十七辛卯陳王成美安王溶殂

於邸第初楊賢妃有寵於文宗而莊恪太子母王妃失

寵怨望爲楊妃所譖王妃死太子廢及開成末年帝多

疾無嗣賢妃請以安王溶嗣帝謀於宰臣李珣珣非之

乃立陳王至是仇士良立武宗欲歸功於已乃發安王

舊事故二王與賢妃皆死甲午始聽政二月制穆宗妃韋氏

追諡宣懿皇太后帝之母也新書在正上御正殿降德

音以開府右軍中尉仇士良封楚國公左軍中尉魚宏

志封韓國公表癸丑李珣兼戶部尚書太常卿崔郾表兼禮部

尚書戶部尚書判度支諸道鹽鐵轉運使刑部尚書崔珙竝本官同中

書門下平章事

新書崔瑛五月己卯拜又案崔鄆開成四年七月己相矣此蓋其兼官耳非入

相也並字疑誤

敕二月十五日元元皇帝降生日宜爲降聖節

休假一日

乙卯大赦庚申有彗星出於室壁

三月詔宮人劉氏王氏並

爲妃敕朔望入閣對刑法官是日非便宜停

四月甲子大風拔木

夏五月中書奏六月十二日皇帝載誕之辰請以其日

爲慶陽節祔宣懿太后於太廟初武宗欲啓穆宗陵祔

葬中書門下奏曰園陵已安神道貴靜光陵二十餘載

福陵則近又修崇竊惟孝思足彰嚴奉今若再因合祔

須啓二陵或慮聖靈不安未合先旨又以陰陽避忌亦

有所疑不移福陵實協典禮乃止就舊墳增築名曰福

陵又奏準今年二月八日赦文應京諸司勒畱官令本處剋畱手力雜給與攝官者臣等檢詳諸道正官料錢絕少雜給手力卽多今正官勒畱亦管公事料錢少於雜給刻下事未得中臣等商量其正官料錢雜給等錢望每貫割畱二百文與攝官餘竝如舊從之

已卯楊嗣復罷表罷

守吏部尙書李珣爲門下侍郎○壬寅大風拔木六月丙寅以旱避正殿理因河北河南淮南浙東福建蝗疫州除其秋七月戊寅大制檢校禮部尙書華州刺史御史陳

徭秋七月

戊寅大風拔木

制檢校禮部尙書華州刺史

御史陳大夫

夷行復爲中書

新書門下

侍郎同中書門下平章事

新書在會昌元

年三  
月八月

甲寅雨

十七日

壬戌

葬文宗皇帝於章陵知樞密

劉宏逸薛季稜率禁軍護靈駕至陵所二人素爲文宗

獎遇仇士良惡之心不自安因是掌兵欲倒戈誅士良

宏志鹵簿使兵部尚書王起山陵使崔稜覺其謀先論

鹵簿諸軍是日宏逸季稜伏誅門下侍郎同平章事楊

嗣復檢校吏部尚書潭州刺史湖南都團練觀察使

庚午

中書侍郎同平章事李珣檢校兵部尚書桂州刺史桂

管防禦觀察使

（表）貶太常卿

御史中丞裴夷直爲杭州刺史

皆坐宏逸季稜黨也易定軍亂逐節度使陳君賞君賞

鳩合豪傑數百人復入城盡誅謀亂兵士軍中復安九

月

（表）

以淮南節度使檢校左

（表）

僕射李德裕爲吏部尚

書同中書門下平章事尋兼門下侍郎以宣武軍節度

使李紳代德裕鎮淮南

表崔珙為中書侍郎

帝在藩時頗好道術

修攝之事是秋召道士趙歸真等八十一人入禁中於

三殿修金籙道場帝幸三殿於九天壇親受法籙右拾

遺王哲上疏言王業之初不宜崇信過當疏奏不省冬

十月癸卯回鶻寇天德軍

十一月

戊辰有彗星出於東方

鹽鐵轉運使奏江淮

已南請復稅茶從之魏博節度使何進滔卒三軍推其

子重霸知畱後事

十二月封子峻為杞王

會昌元年春正月壬申朔庚辰有事於郊廟

已卯朝獻於太清宮

庚辰朝享於太廟

禮畢御丹鳳樓大赦改元二月壬寅

以淮南節度使檢校吏部尚書

表檢校尚書右僕射

李紳為中書



侍郎同中書門下平章事

新書在二年二月丁丑

中書奏南宮六

曹皆有職分各責官業卽事不因循近者戶部度支多

是諸軍奏請本司郎吏束手閒居今後請祇令本行分

判委中書門下簡擇公幹才器相當者轉授從之車駕

幸昆明池賜仇士良紀功碑詔右僕射李程爲其文三

月貶湖南觀察使楊嗣復潮州司馬桂管觀察使李珣

端州司馬杭州刺史裴夷直驩州司戶宰臣李德裕進

位司空

新書在二年正月己亥

壬申宰相李德裕陳夷行崔琪李

紳等奏憲宗皇帝有恢復中興之功請爲百代不遷之

廟帝曰所論至當續議之事竟不行贈故中書令晉國

公裴度太師山南東道蝗害稼造靈符應聖院於龍首池夏四月辛丑敕憲宗實錄舊本未備宜令史官重修進內其舊本不得注破候新撰成同進時李德裕先請不遷憲宗廟爲議者沮之復恐或書其父吉甫不善之事故復請改撰實錄朝野非之五月辛未中書門下奏據六典隋置諫議大夫七人從四品上大厯二年升門下侍郎爲正三品兩省遂闕四品建官之道有所未周詩云衮職有關仲山甫補之周漢大臣願入禁闥補過拾遺張衡爲侍郎爲居帷幄從容諷諫此皆大臣之任故其秩峻其任重則敬其言而行其道況蹇諤之地宜

老成之人秩未優崇則難用耆德其諫議大夫望依隋氏舊制升爲從四品分爲左右以備兩省四品之闕向後與丞郎出入迭用以重其選又御史中丞爲大夫之貳緣大夫秩崇官不常置中丞爲憲臺之長今寺監少卿少監司業少尹竝爲寺署之貳皆爲四品中丞官名至重見秩未崇望升爲從四品從之六月有禿鶯鳥集於禁苑庚子

新書天文志戊辰

夜五更小流星五十餘縱橫旁

午流散制以魏博兵馬畱後何重霸檢校工部尙書魏

州長史天雄軍節度使仍賜名重順

新書藩鎮傳名重順賜名宏敬此誤

中書奏請依姚璿故事宰相每月修時政記送史館從

之以衡山道士劉元靖爲銀青光祿大夫充崇元館學士賜號廣成先生令與道士趙歸眞於禁中修法籙左補闕劉彥謨上疏切諫貶彥謨河南府戶曹敕自前中外上封論事有所糾舉則請畱中今後竝云請付御史臺不得云畱中不下如事關軍國理須宥密不在此限如臺司勘當後若得事實必獎奉公苟涉加誣必當反問告示中外明知此意秋七月己巳

新書天文志庚午

北方有

流星經天良久關東大蝗傷稼襄郢江左大水彗復出

室壁之間

壬辰漢水溢

八月迴鶻烏介可汗遣使告難言本

國爲黠戛斯所攻故可汗死今部人推爲可汗緣本國

破散今奉太和公主南投大國時烏介至塞上大首領  
盟沒斯與赤心宰相相攻殺赤心率其部下數千帳近  
西域天德軍防禦使田牟以聞烏介又令其相頡于迦  
斯上表借天德城以安公主仍乞糧儲牛羊供給詔金  
吾大將軍王會宗正少卿李師偃往其牙宣慰令放公  
主入朝賑粟二萬石九月癸巳幽州軍亂逐其帥史元忠  
推牙將陳行泰爲畱後三軍上章請符節朝旨未許閏  
月幽州雄武軍使張絳案新書雄武軍使乃張仲武遣  
非絳此以絳爲雄武使誤遣  
軍吏吳仲舒入朝言行泰慘虐不可處將帥之任請以  
鎮軍加討許之幽州盧龍軍將張絳  
殺行泰自稱主軍務冬十月誅行泰遂

以絳知兵馬使

幽州盧龍軍逐絳雄武軍使張仲武入於幽州

車駕校獵咸陽

十一月丁酉朔壬寅夜大星東北流其光燭地有聲如

雷山崩石隕其彗起於室凡五十六日而滅太和公主

遣使入朝言烏介自稱可汗乞行策命緣初至漠南乞

降使宣慰從之

辛亥避正殿減膳理因罷興作癸亥崔郾罷表檢校吏部尚書同平章事劔南

西川節度使

十二月中書門下奏修實錄體例舊錄有載禁

中之言伏以君上與宰臣公卿言事皆須衆所聞見方

可書於史冊且禁中之語在外何知或得之傳聞多涉

於浮妄便形史筆實累鴻猷今後實錄中如有此色竝

請刊削又宰臣與公卿論事行與不行須有明據或奏

請允愜必見褒稱或所論乖僻因有懲責在藩鎮上表  
必有批答居要官啓事者自有著明竝須昭然在人耳目  
或取捨存於堂案或與奪形於詔敕前代史書所載奏  
議罔不由此近見實錄多載密疏言不彰於朝聽事不  
顯於當時得自其家未足爲信今後實錄所載章奏竝  
須朝廷其知者方得紀述密疏竝請不載如此則理必  
可法人皆向公愛憎之志不行褒貶之言必信從之德  
裕奏改修憲宗實錄所載吉甫不善之迹鄭亞希旨削  
之德裕更此條奏以掩其迹搢紳謗議武宗頗知之  
二年春正月丙申朔以撫王紘爲開府儀同三司幽州

長史幽州盧龍軍節度大使以雄武軍使張絳檢校左

散騎常侍兼幽州左司馬知兩使畱後仍賜名仲武

新案

書陳行泰殺史元忠軍將張絳復殺行泰軍人逐絳仲武自雄武軍入幽州則絳與仲武二人也且舊書仲武傳亦不言其本名絳則此云賜名誤也當從新書中書奏百官議九宮壇本大

祀請降爲中祀宰相崔珙陳夷行奏定左右僕射上事

儀注

宋亳二州地震已亥回鶻寇橫水柵略天德振武軍表陳夷行爲尙書左僕射崔珙爲尙書右僕射

二月丙寅中書奏準元和七年敕河東鳳翔鄜坊邠寧

等道州縣官令戶部加給課料錢歲六萬二千五百貫

吏部出得平畱官數百員時以爲當自後戶部支給零

碎不得觀察使乃別將破用徒有加給不及官人所以



選人憚遠不樂注受伏望令部都與實物及時支還諸  
道委觀察判官知給受專判此案隨月支給年終計帳  
申戶部又赴選官人多京債到任填還致其貪求罔不  
由此今年三銓於前件州府得官者許連狀相保戶部  
各備兩月加給料錢至支時折下所冀初官到任不帶  
息債衣食稍足可責清廉從之太子太師致仕蕭俛卒  
牂牁南詔蠻遣使入朝三月表丙申李紳權判度支遣使冊迴鶻  
烏介可汗以振武麟勝節度使銀青光祿大夫檢校右  
僕射兼單于大都護御史大夫彭城郡開國公食邑二  
千戶劉沔檢校右僕射兼太原尹北都留守河東節度

管內觀察處置等使代符澈時迴鶻在天德命汚以太

原之師討之

迴鶻寇雲朔

夏四月乙丑朔光祿大夫守司空

門下侍郎同平章事李德裕銀青光祿大夫守右僕射

門下侍郎同平章事崔珙銀青光祿大夫中書侍郎同

平章事李紳金紫光祿大夫檢校司徒太子太保牛僧

孺等上章請加尊號曰仁聖文武至神大孝皇帝戊寅

御宣政殿受冊自九日雨至十四日轉甚乃改用二十

三日時有織人告中尉仇士良言宰相作赦書欲減削

禁軍衣糧馬草料士良怒曰必若有此軍人須至樓前

作鬧宰相李德裕等知之請開延英訴其事帝曰姦人

之詞也召兩軍中尉諭之曰敕書出自朕意不由宰相  
況未施行公等安得此言士良惶恐謝之是日晴霽中  
書奏元日御含元殿百官就列唯宰相及兩省官皆未  
開扇前立於欄檻之內及扇開便侍立於御前三朝大  
慶萬邦稱賀唯宰相侍臣同介冑武夫竟不拜至尊而  
退酌於禮意事未得中臣等請御殿日昧爽宰相兩省  
官鬪班於香案前俟扇開通事贊兩省官再拜拜訖升  
殿侍立從之天德奏迴鶻族帳侵擾部內敕勸課種桑  
比有敕命如能增數每歲申聞比知竝無遵行恣加剪  
伐列於廛市賣作薪蒸自今州縣所由切宜禁斷五月

敕慶陽節百官率醵外別賜錢三百貫以備素食合宴

仍令京兆府供帳追集坊市樂人丙申天德軍使出牟奏

迴鶻大將唃沒斯與多覽將軍將吏二千六百人請降

遣中人齎詔慰勞之宰相李德裕兼守司徒新書在三年六月辛酉

太子太師致仕鄭覃卒六月甲子朔火星犯木天文志乙酉

丑丙寅太白犯東井迴鶻降將唃沒斯將吏二千六百

餘人至京師制以唃沒斯檢校工部尙書充歸義軍使

封懷化郡王仍賜姓名曰李思忠以迴鶻宰相受耶勿

爲歸義軍副使檢校右散騎常侍賜姓名曰李宏順河東

節度使劉沔及回鶻戰於雲州幸左神策軍閱秋七月武尙書左丞兼

敗績陳夷行罷表太子太保唐書一九武宗十

御史中丞李讓夷爲中書侍郎同中書門下平章事嵐州人田滿川據郡叛劉沔

誅之回鶻可汗八月回鶻烏介可汗過天德至杞頭烽

北俘掠雲朔北州詔劉沔出師守雁門諸關迴鶻首領

屈武案迴鶻傳迴鶻首領無屈武疑誤降幽王二字授左武衛將軍同

正詔以迴鶻犯邊漸侵內地或攻或守於理何安令少

師牛僧孺陳夷行與公卿集議可否以聞僧孺曰今百

僚議狀以固守關防伺其可擊則用兵宰相李德裕議

以迴鶻所恃者盟沒赤心耳今已離叛其強弱之勢可

見戎人獷悍不顧成敗以失二將乘忿入侵出師急擊

破之必矣守險示弱虜無由退擊之爲便天子以爲然

乃徵發許蔡汴滑等六鎮之師以太原節度使劉沔爲  
迴鶻南面招討使以張仲武爲幽州盧龍軍節度使檢  
校工部尙書封蘭陵郡王充迴鶻東面招討使以李思  
忠爲河西党項都將迴鶻西南面招討使皆會軍於太

原

新書在九月

制以皇子峴爲益王岐爲兗王

新書在十月

皇長

女爲昌樂公主第二女爲壽春公主第三女爲永寧公  
主上御麟德殿見室韋首領督熱論等十五人太原奏  
迴鶻移帳近南四十里索叛將盟沒斯昨至橫水俘虜  
兼公主上表言食盡乞賜牛羊事賜烏介詔曰朕自臨  
寰區爲人父母唯以好生爲德不願黷武爲名故自彼

國不幸爲盟沒

當作點夏

斯所破來投邊境已歷歲年撫納

之間無所不至初則念其饑歉給以糧儲旋則知其破

傷盡還馬價前後遣使勞問交馳道途小小侵擾亦盡

不計今可汗尙此近塞未議還蕃朝廷大臣四方節鎮

皆懷疑忿盡請興師雖朕切務含宏亦所未諭一昨數

使迴來皆言可汗只待馬價及令付之次又聞所止屢

遷或侵掠雲朔等州或劫奪羌渾諸部未知此意終欲

如何若以未交馬價須近塞垣行止之間亦宜先告邊

將豈有倏來忽往遷徙不常雖云隨逐水草動皆逼近

城柵遙揣深意似恃姻好之情每覩蹤由實爲馳突之

計況到橫水柵下殺戮至多蕃渾牛羊豈恡馳掠黎庶  
何罪皆被傷夷所以中朝大臣皆云迴鶻近塞已是違  
盟更戮邊人實背大義咸願因此翦逐以雪殂謝之冤  
然朕志在懷柔情深屈已寧可汗之負德終未忍於幸  
災石戒直久在京城備知人實憤惋發於誠懇固請自  
行嘉其深見事機不能違阻可汗審自問遂速擇良圖  
無至不悛以貽後悔詔太原起室韋沙陀三部落吐渾  
諸部委石雄爲前鋒易定兵千人守大同軍契苾通何  
清朝領沙陀吐渾六千騎趨天德李思忠率迴鶻党項  
之師屯保大柵冬十月吐蕃贊普卒遣使論普熱入朝



告哀詔將作少監李璟入蕃弔祭之十一月帝幸涇陽  
校獵白鹿原諫議大夫高少逸鄭朗等於閣內論陛下  
校獵太頻出城稍遠萬機廢弛星出夜歸方今用兵且  
宜停止上優勞之諫官出謂宰相曰諫官甚要朕時聞  
其言庶幾減過

十二月封子嶧德王嗟  
昌王癸未京師地震

三年春正月以宿師於野罷元會敕新授銀州刺史本  
州押蕃落銀川監牧使何清朝可檢校太子賓客左龍  
武大將軍令分領沙陀吐渾党項之衆赴振武取劉沔  
處分

庚子天德軍行營副使石雄  
及迴鶻戰於殺胡山敗之

二月

庚申朔日有食  
之辛未崔瑛罷

表守尚書  
右僕射

先詔百官之家不得於京城置私廟者其皇

城南面六坊不得置其閒僻坊曲卽許依舊置太原劉  
沔奏昨率諸道之師至大同軍遣石雄襲迴鶻牙帳雄  
大敗迴鶻於殺胡山烏介可汗被創而走已迎得太和  
公主至雲州是日御宣政殿百僚稱賀制曰夫天之所  
廢難施繼絕之恩人之所棄當用悔亡之道朕每思前  
訓豈忘格言迴鶻比者自恃兵強久爲桀驁凌虐諸部  
結怨近鄰黠夏斯潛師彗埽穹居瓦解種族盡膏於原  
野區落遂至於荆榛今可汗逃走失國竊號自立遠踰  
沙漠寄命邊陲朕念其衰殘尋加賑卹每陳章奏多詐  
諛之辭接我使臣如全盛之日無傷禽哀鳴之意有困

獸猶鬪之心去歲潛入朔州大掠牛馬今春掩襲振武  
逼近城池可汗皆自率兵首爲寇盜不恥破敗莫顧姻  
親河東節度使劉沔料敵伐謀乘機制勝發胡貉之騎  
以爲前鋒奉翎侯之旗伐彼在穴短兵鏖於帳下元惡  
佚於穀中況乘匪六飛衆纔一旅儲備已竭計日可擒  
太和公主居處不同情義久絕懷土多思亟聞黃鵠之  
歌失位自傷寧免綠衣之歎念其羈苦常軫朕心今已  
脫於豺狼再見宮闕上以攄宗廟之宿憤次以慰太皇  
太后之深慈永言歸寧良用欣感其迴鵲旣以破滅義  
在翦除宜令諸道兵馬使同進討河東立功將士已下

優厚賞給續條疏處分應在京外宅及東都修功德迴  
鶻竝勒冠帶各配諸道收管其迴鶻及摩尼寺莊宅錢  
物等竝委功德使與御史臺及京兆府各差官點檢收  
抽不得容諸色人影占如犯者竝處極法錢物納官摩  
尼寺僧委中書門下條疏聞奏以麟州刺史天德軍行  
營副使石雄爲銀青光祿大夫檢校左散騎常侍豐州  
刺史御史大夫豐州中城西城都防禦本管押蕃落等  
使劉沔檢校左僕射張仲武檢校右僕射餘竝如故黠  
戛斯使注吾合素入朝獻名馬二匹言可汗已破迴鶻  
迎得太和公主歸國差人送公主入朝愁迴鶻殘衆奪

之於路帝遂遣中使送注吾合素往太原迎公主時烏

介可汗中箭走投黑車子詔黠戛斯出兵攻之三月太

和公主至京師百官班於章敬寺迎謁仍令所司告憲

宗穆宗二室

是春大雨雪

夏四月

乙丑

昭義軍節度使劉從諫

卒三軍以從諫姪

新書作子誤

稹爲兵馬留後上表請授節

鉞尋遣使齎詔潞府令稹護從諫之喪歸洛陽稹拒朝

旨詔中書門下兩省尚書御史臺四品已上武官三品

已上會議劉稹可誅可宥之狀以聞五月

甲午震東都廣運樓災

敕諸道節度使置隨身不得過六十人觀察使不得過

四十人經略都護不得過三十人築望仙觀於禁中宰

臣百僚進議狀以昆戎未殄塞上用兵不宜中原生事  
路府請以親王遙領令稹權知兵馬事以俟邊上罷兵  
獨李德裕以爲澤潞內地前時從諫許襲已是失斷自  
後跋扈難制規脅朝廷以稹豎子不可復踐前車討之  
必殄武宗性雄俊曰吾與德裕同之保無後悔自是諫  
官上疏言不可用兵相繼表王寅李紳爲門下侍郎○  
戊申翰林學士承旨中書舍  
人崔鉉爲中書侍郎同中書門下平章事表庚戌李紳爲尚書右僕射六月西內神龍寺  
災左軍中尉楚國公仇士良卒表辛酉李德裕爲司徒秋七月戊  
子宰相奏秋色已至將議進軍幽州須早平迴鶻鎮魏  
須速誅劉稹各須遣使諭旨兼偵三鎮軍情今日延英

面奏聖旨欲遣張賈充使臣等續更商量張賈幹濟有

才甚諳軍中體勢然性剛負氣慮不安和不如且命李

回若以臺綱闕人卽兵部侍郎鄭涯久爲征鎮判官情

甚精敏雖無詞辨言事分明官重事閒最似相稱上曰

不如令李回去卽遣回奉使三鎮庚子免河東今歲稅八月壬戌

火星自七月蒼赤色動搖井中至是月十六日案新書天文志

作丁丑則上文王戊乃是朔日犯輿鬼萬年縣東市火黠戛斯使諦德

伊斯難珠入朝以右僕射同平章事陳夷行檢校司空

兼河中尹御史大夫河中節度晉絳慈隰觀察等使九

月制定天下者致風俗於大同安生人者齊法度於畫

一雖晉之欒趙家有舊勳漢之韓黥身爲佐命至於干  
亂紀律罔不梟夷禁暴除殘古今大義故昭義節度劉  
悟頃居海岱嘗列爪牙屬師道阻兵王師問罪三面開  
網一境離心乘此危機遂能歸命憲宗嘉其誠款授以  
南燕穆宗待以腹心委之上黨招致死士固護一方迨  
於末年已虧臣節劉從諫生稟戾氣幼習亂風因跋扈  
之資以專封壤恃紀綱之力以襲兵符暫展執珪之儀  
終無上壽之請隙駒爲喻魏豹姑務於絕河井蛙自居  
孫述頗聞於恃險誘受亡命妄作妖言中罔朝廷潛圖  
左道接壤戎帥屢奏陰謀顧髻亂之所矜豈淵魚之是



察洎乎沈痼曾靡哀鳴猶駐將盡之魂恣行邪僻之志罔或奮拔自樹狡童中使授醫莫覩其朝服近臣銜命不入於壘門逆節甚明人神共棄其贈官及先所受官爵并剽積在身官爵竝宜削奪成德軍節度使王元逵魏博節度使何宏敬或姻連王室或任重藩維懇陳一至之誠願揚九伐之戰吳漢任職受詔而初無辦嚴卜式朴忠未戰而義形於色況成德軍嘗以梟騎橫陣首破朱滔戰氣方酣再回魯陽之日鼓音不息三周華不之山魏博軍頃以大旆涉河竟殲師道建十二郡之旗鼓以列降人削六十年之厲階盡歸皇化士傳餘勇軍

有雄名必能稟鄧侯之指縱成葛亮之心伐咨爾二師  
朕所注懷元達可本官充北面招討澤潞使宏敬充東  
面招討澤潞使潞府曩者烈祖在藩先天啓聖符瑞昭  
晰彩繪煥於泗亭鑾輅巡遊金石刻於代邸實謂可封  
之俗久爲仁壽之鄉寇難以來頗著誠節必非同惡咸  
許自新其昭義舊將士及百姓等如保初心竝赦而不  
問如能捨逆效順以州郡兵衆歸降者必厚加封賞如  
能擒送劉稹者別授土地以報勲庸頃隨劉悟鄆州舊  
將校子孫既有義心宜思改悔如能感喻劉稹束身歸  
朝必當待之如初特與洗雪爾等舊校亦竝酬勞仍委

夷行劉沔王茂元各進兵同力攻討其諸道進軍竝不  
得焚燒廬舍發掘墳墓擒執百姓以爲俘囚桑麻田苗  
各許本戶爲主罪止元惡務拯生靈於戲藩維大臣抗  
疏於外髦俊舊老昌言於朝戒朕以祖宗之法不可私  
一族刑賞之柄所以正萬邦宜用甲兵陳於原野雖朕  
以恩不聽而羣臣以義固爭詢自僉謀諒非獲已布告  
中外明體朕懷仍以徐泗節度使李彥佐爲澤潞西南  
面招討使河陽節度使王茂元以本軍屯萬善新書在五月辛丑  
案陳夷行八月始爲河中節度此誤夷行同命則彥  
宜在夷行拜節度之後新書在五月者誤當從舊書  
佐制下後踰月未出師朝廷疑其持重乃以天德軍石

雄爲彥佐之副劉稹牙將李丕降用爲忻州刺史

辛卯

陳許節度使王宰充澤潞南面招討使河陽節度使王

茂元卒贈司徒王宰代茂元總萬善之師

丁未以雨霖理囚免京兆

府秋稅冬十月宰相監修國史李紳兵部郎中史館修撰

判館事鄭亞進重修憲宗實錄四十卷頒賜有差晉絳

行營副招討石雄奏收賊砦五

已巳晉絳行營節度使石雄及劉稹戰於烏嶺

敗之以河東節度使劉沔檢校司空兼滑州刺史御史大

夫義成軍節度鄭滑濮觀察等使以荆南節度使檢校

右僕射同平章事李石檢校司空同平章事兼太原尹

北都畱守河東節度管内觀察等使

壬午日中月食太白是月党項羌寇

鹽州十一月敕中外官員過爲繁冗量宜減省以便軍民

宜令吏部條疏合減員數以聞

党項寇邠寧兖王岐爲靈夏六道元帥安撫党

項大使御史中丞李回副之安南軍亂逐其經略軍使武渾

十二月巳丁王宰奏收天

井關榆社行營都將王逢奏兵少乞濟師詔太原軍二千人赴之初劉沔破迴鶻畱三千人戍橫水至是李石以太原無兵抽橫水戍卒一千五百人以赴王逢是月二十八日橫水軍至太原請出軍優給舊例每一軍絹二疋時劉沔交代後軍庫無絹石以已絹益之方可人給一疋便催上路軍人以歲將除欲候過歲期旣速軍情不悅都頭楊弁乘士卒流怨激之爲亂

四年春正月乙酉朔以澤潞用兵罷元會其日楊弁逐  
太原節度使李石敕齋月斷屠出於釋氏國家創業猶  
近梁隋卿相大臣或沿茲弊鼓刀者既獲厚利糾察者  
潛受請求正月以萬物生植之初宜斷三日列聖忌斷  
一日仍準開元二十二年敕三元日各斷三日餘月不  
禁壬子河東監軍使呂義忠收復太原生擒楊弁盡斬  
其亂卒百條稱賀二月甲寅朔日有食之丁巳制河中晉絳  
慈隰節度觀察等使中散大夫檢校左散騎常侍河中  
尹御史大夫上柱國博陵縣開國男食邑三百戶崔元  
式檢校禮部尚書兼太原尹北都畱守河東節度觀察

等使戊午夜太白犯鎮星

天文志無

辛酉太原送楊弁與其

同惡五十四人來獻斬於狗脊嶺三月以晉絳副招討

石雄爲澤潞西面招討

兼冀氏行營攻討使

以汾州

新書

刺史李

丕爲副以道士趙歸真爲左右街道門教授先生時帝

志學神仙師歸真歸真乘寵每對排毀釋氏言非中國

之教蠹耗生靈盡宜除去帝頗信之夏四月王宰進軍

攻澤州五月以司農卿薛元賞爲京兆尹六月金紫光

祿大夫右僕射中書侍郎同平章事判度支崔珙貶澧

州刺史癸丑敕諫官論事所見不同連狀署名事同糾

率此後凡論公事各隨已見不得連署姓名如有大政

奏論卽可連署制追削故左軍中尉仇士良先授官及  
贈官其家財盡籍沒士良死後中人於其家得兵仗數  
千件兼發士良宿罪故也敕責授官銀青光祿大夫澧  
州刺史上柱國安平郡開國公食邑二千戶崔珙再貶  
恩州司馬員外置以珙領鹽鐵時欠宋滑院鹽鐵九十  
萬貫帝令度支鹽鐵轉運合爲一使秋七月

新書閏七月壬戌

以淮南節度使檢校司空杜棕守右僕射兼門下

新書中書

侍郎同中書門下平章事仍判度支充鹽鐵轉運等使  
又制銀青光祿大夫守右僕射兼門下侍郎同平章事  
監修國史上柱國趙郡開國公食邑二千戶李紳檢校



司空同平章事揚州長史淮南節度副大使知節度事

吏部條奏中外合減官員一千一百一十四員丙子王元

逵奏邢州刺史裴問新書昭義將裴問別將高元武以

城降洺州刺史王釗磁州刺史安玉新書高玉以城降何宏

敬山東三州平潞州大將郭誼新書郭才張谷陳揚廷遣人

至王宰軍請殺稹以自贖王宰以聞乃詔石雄率軍七

千人入潞州誼斬劉稹首以迎雄澤潞二州平八月戊

戌王宰傳稹首與大將郭誼等一百五十人露布獻於

京師上御安福門新書劉悟受俘百僚樓前稱賀給復澤潞

邢洛磁五州一歲免太原河魏博節度使檢校右僕射

陽及懷陝晉絳四州秋稅

同平章事何宏敬進封廬江郡開國公食邑二千戶成

德軍節度使王元逵檢校司空兼太子太師同平章事

進封太原郡開國公食邑二千戶

戊申

宰相李德裕守太

尉進封衛國公加食邑一千戶以兵部侍郎翰林學士

承旨崔鉉為中書侍郎同中書門下平章事

新書在戊午年五月

申案崔珙傳珙素與鉉不協鉉既相珙坐貶新書珙三年二月罷舊書珙四年六月貶則鉉當已相矣當從新

書河中節度使陳夷行卒

表庚戌

夷行讓夷為檢校尚書右僕射兼中書侍郎崔鉉兼

戶部尚書杜棕為尚書左僕射兼門下侍郎九月以天德軍使晉絳行營招

討使石雄檢校兵部尚書河中尹兼御史大夫河中晉

絳慈隰節度使以前山南東道節度使盧鈞檢校左僕

射潞州長史昭義軍節度澤潞邢洺觀察等使以忠武軍節度陳許蔡觀察處置等使河陽行營諸軍招討使金紫光祿大夫檢校右僕射兼御史大夫上柱國太原郡開國公食邑二千戶王宰檢校司空太原尹北都留守河東節度管內觀察處置等使制曰逆賊郭誼等狐鼠之妖依邱穴而作固牛羊之力得水草而逾兇久從叛臣皆負逆氣劉從諫背德反義掩賊藏姦積其怙亂之謀無非親吏之計劉公直安全慶等各憑地險屢抗王師每肆悖言罔懷革面況郭誼王協聞邢洺歸款懼義旅覆巢賣孽童以圖全據堅城而請命昔伍被詣吏

不免就誅延岑出降終亦夷滅致之大辟無所愧懷郭

誼劉公直王協安全慶李道德李佐堯劉稹稹母阿裴

稹弟曹九滿郎君郎妹四娘五娘從兄洪卿漢卿周卿

魯卿匡堯新書劉悟傳匡周張谷男涯解愁陳揚廷弟宣男醜

奴張溢新書劉悟傳張沿男歡郎三寶門客甄戈伎術人郭諗

蔣黨李訓兄仲京王涯姪孫羽韓約男茂章茂寶王璠

男渥等竝處斬於獨柳敕以河陽三城鎮遏使爲孟州

割澤州隸焉與懷孟澤爲節度號河陽制以皇子愕爲

開府儀同三司夏州刺史朔方軍節度大使時党項叛

命親王以制之案武宗諸子無名愕者此條疑卽新書三年十一月充王岐爲安撫党項大使

之事脫漏於此

冬十月車駕幸鄆縣十一月幸雲陽

新書在十二月

二月敕郊禮日近獄囚數多案款已成多有翻覆其兩京天下州府見繫囚已結正及兩度翻案伏款者竝令先事結斷訖申時左僕射王起頻年知貢舉每貢試訖上榜後更呈宰相取可否後人數不多宰相延英論言主司試藝不合取宰相與奪比來貢舉艱難放人絕少恐非宏訪之道帝曰貢院不會我意不放子弟卽太過無論子弟寒門但取實藝耳李德裕對曰鄭肅封敖有好子弟不敢應舉帝曰我比聞楊虞卿兄弟朋比貴勢妨平人道路昨楊知至鄭朴之徒竝令落下抑其太甚

耳德裕曰臣無名第不合言進士之非然臣祖天寶末  
以仕進無他岐勉強隨計一舉登第自後不於私家置  
文選蓋惡其祖尙浮華不根藝實然朝廷顯官須是公  
卿子弟何者自小便習舉業自熟朝廷間事臺閣儀範  
班行準則不教而自成寒士縱有出人之才登第之後  
始得一班一級固不能熟習也則子弟成名不可輕矣  
五年春正月己酉朔敕造望仙臺於南郊壇時道士趙  
歸真特承恩禮諫官上疏論之延英帝謂宰臣曰諫官  
論趙歸真此意要卿等知朕宮中無事屏去聲伎但要  
此人道話耳李德裕對曰臣不敢言前代得失只緣歸

眞於敬宗朝出入宮掖以此人情不願陛下復親近之  
帝曰我爾時已識此道人不知名歸眞只呼趙鍊師在  
敬宗時亦無甚過我與之言滌煩爾至於軍國政事唯  
卿等與次對官論何須問道士非直一歸眞百歸眞亦  
不能相惑歸眞自以涉物論遂舉羅浮道士鄧元起有  
長年之術帝遣中使迎之繇是與衡山道士劉元靖及  
歸眞膠固排毀釋氏而拆寺之請行焉宰臣李德裕杜  
悰李讓夷崔鉉太常卿孫簡等率文武百僚上徽號曰  
仁聖文武章天成功神德明道大孝皇帝辛亥有事於  
郊廟己酉朝獻於太清宮庚戌朝禮畢御承天門大赦

天下

賜文武官階勳爵文宣公  
二王三格予一子出身

庚申義安太后崩敬宗

之母也遺令皇帝三日聽政十三日小祥二十五日大  
祥二十七日釋服兵部尙書歸融奏事貴得中禮從順  
變配祔之禮宜有等差請降服朞以日易月十二日釋  
服內外臣僚亦請以其日釋服陵園制度請無降殺從  
之以前太原節度使檢校司空李石以本官東都畱守  
二月戊寅朔太白掩昴之北側天文志諫議大夫權知  
禮部貢舉陳商選士三十七人中第物論以爲請託令  
翰林學士白敏中覆試落張瀆李玕薛忱張覲崔凜王  
諶劉伯芻等七人三月崔鉉罷知政事表爲戶部尙書出爲陝



號觀察使

新書在二月王戊

以御史中丞兼兵部侍郎

新書戶部侍郎

判戶部

李回本官

新書爲中書侍郎

同中書門下平章事

新書在五月乙

丑

夏四月皇第四女封延慶公主第五女封靖樂公主

敕祠部檢括天下寺及僧尼人數大凡寺四千六百蘭

若四萬僧尼二十六萬五月

王子葬恭僖皇太后於光陵表已未李德裕加特進

壬戌宰相杜悰罷知政事

表爲尙書右僕射

以戶部侍郎判度

支崔元式同中書門下平章事

新書在大中元年三月案崔元略傳元式大中

初始入相當從新書此疑以元式判度支而宣宗紀又闕同平章事皆誤

六月丙子敕漢魏

已來朝廷大政必下公卿詳議博求理道以盡羣情所

以政必有經人皆向道此後事關禮法羣情有疑者令

本司申尙書都省下禮官參議如是刑獄亦先令法官  
詳議然後申刑部參覆如郎官御史有能駁難或據經

史故事議論精當卽擢授遷改以獎之如言涉浮華都

無經據不在申聞

甲申

神策奏修望僊樓及廊舍五百三

十九間功畢秋七月

丙午朔日有食之

庚子

案是月無庚子誤

敕併省

天下佛寺中書門下條疏聞奏據令式諸上州國忌日

官吏行香於寺其上州望各畱寺一所有列聖尊容便

令移於寺內其下州寺竝廢其上都東都兩街請畱十

寺寺僧十人敕曰上州合畱寺工作精妙者畱之如破

落亦宜廢毀其合行香日官吏宜於道觀其上都下都

每街畱寺兩所寺畱僧三十人上都左街畱慈恩薦福  
右街畱西明莊嚴中書又奏天下廢寺銅象鐘磬委鹽  
鐵使鑄錢其鐵象委本州鑄爲農器金銀鍮石等象銷  
付度支衣冠士庶之家所有金銀銅鐵之象敕出後限  
一月納官如違委鹽鐵使依禁銅法處分其土木石等  
象合畱寺內依舊又奏僧尼不合隸祠部請隸鴻臚寺  
其大秦穆護等祠釋教旣已釐革邪法不可獨存其人  
竝勒還俗遞歸本貫充稅戶如外國人送還本處收管  
是月山南東道節度使鄭肅檢校  
尚書右僕射同中書門下平章事八月壬午制朕聞三代  
已前未嘗言佛漢魏之後象教寢興是由季時傳此異

俗因緣染習蔓延多以至於蠹耗國風而漸不覺誘惑人意而衆益迷洎於九州山原兩京城闕僧徒日廣佛寺日崇勞人力於土木之功奪人利於金寶之飾遺君親於師資之際違配偶於戒律之間壞法害人無逾此道且一夫不田有受其飢者一婦不蠶有受其寒者今天下僧尼不可勝數皆待農而食待蠶而衣寺宇招提莫知紀極皆雲構藻飾僭擬宮居晉宋齊梁物力彫瘵風俗澆詐莫不由是而致也況我高祖太宗以武定禍亂以文理華夏執此二柄足以經邦豈可以區區西方之教與我抗衡哉貞觀開元亦嘗釐革剗除不盡流

衍轉滋朕博覽前言旁求輿議弊之可革斷在不疑而  
中外誠臣協朕至意條疏至當宜在必行懲千古之蠹  
源成百王之典法濟人利衆予何讓焉其天下所拆寺  
四千六百餘所還俗僧尼二十六萬五百人收充兩稅  
戶拆招提蘭若四萬餘所收膏腴上田數千萬頃收奴  
婢爲兩稅戶十五萬人隸僧尼屬主客顯明外國之教  
勒大秦穆護被三千餘人還俗不雜中華之風於戲前  
古未行似將有待及今盡去豈謂無時驅游惰不業之  
徒已踰十萬廢丹牖無用之室何啻億千自此清淨訓  
人慕無爲之理簡易齊政成一俗之功將使六合黔黎

同歸皇化尙以革弊之始日用不知下制明廷宜體予  
意制第六女封樂溫公主第七女封長寧公主中書奏  
伏見公主上表稱妾某者伏以臣妾之義取其賤稱家  
人之禮卽宜區別臣等商量公主上表請如長公主之  
例竝云某邑公主幾女上表郡縣主亦望依此例稱謂  
從之九月火星犯上將冬十月乙亥中書奏汜水縣武  
牢關是太宗擒王世充寶建德之地關城東峯有二聖  
塑容在一堂之內伏以山河如舊城壘猶存威靈昔盛  
於軒臺風雲疑還於豐沛誠宜百代嚴奉萬邦式瞻西  
漢故事祖宗嘗行幸處皆令邦國立廟今緣定覺寺例

合毀拆望取寺中大殿材木於東峯以造一殿四面置  
宮牆伏望名爲昭武廟以昭聖祖武功之盛委懷孟節  
度使差判官一人勾當緣聖象年代已久望令李石於  
東都揀好畫手就增嚴飾初興功日望令東都差分司  
官一員薦告從之十一月甲辰敕悲田養病坊緣僧尼  
還俗無人主持恐殘疾無以取給兩京量給寺田賑濟  
諸州府七頃至十頃各於本管選耆壽一人勾當以充  
粥料十二月車駕幸咸陽給事中韋宏質上疏論中書  
權重三司錢穀不合相府兼領宰相奏論之曰臣等昨  
於延英對恭聞聖旨常欲朝廷尊臣下肅此是陛下深

究理本也臣按管子云凡國之重器莫重於令令重則君尊君尊則國安故國安在於尊君尊君在於行令君人之理本莫要於出令故曰虧令者死益令者死不行令者死不從令者死又曰令行於上而下論可不可是上失其威下繫於人也自大和已來其風大弊令出於上非之於下此弊不除無以理國也昨韋宏質所論宰相不合兼領錢穀臣等輒以事體陳聞昔匡衡所以云大臣者國家之股肱萬姓所瞻仰明王所慎擇傳曰下輕其上賤人圖柄則國家搖動而人不靜宏質受人教導輒獻封章是則賤人圖柄矣蕭望之漢朝名儒重德



爲御史大夫奏云今首歲日月少光罪在臣等上以望  
之意輕丞相乃下侍中御史詰問貞觀中監察御史陳  
師合上書云人之思慮有限一人不可兼總數職太宗  
曰此人妄有毀謗欲離間我君臣流師合於嶺外賈誼  
云人主如堂羣臣如陛陛高則堂高亦由將相重君臣  
尊其勢然也如宰相姦謀隱慝則人人皆得上論至於  
制置職業固是人主之柄非小人所得干議古者朝廷  
之士各守其官思不出位宏質賤人豈得以非所宜言  
上瀆明主此是輕宰相撓時政也昔東漢處士橫議遂  
有黨錮事起此事深要懲絕伏望陛下詳其姦詐去其

朋徒則朝廷安靜制令肅然臣等不勝感憤之至宏質  
坐貶官又奏曰天寶已前中書除機密遷授之外其他  
政事皆與中書舍人同商量自艱難已來務從權便政  
頗去於臺閣事多繫於軍期決遣萬機不暇博議臣等  
商量今後除機密公事外諸侯表疏百僚奏事錢穀刑  
獄等事望令中書舍人六人依故事先參詳可否臣等  
議而奏聞從之李德裕在相位日久朝臣爲其所抑者  
皆怨之自崔鉉杜棕罷相後中貴人上前言德裕太專  
上意不悅而白敏中之徒教宏質論之故有此奏而德  
裕結怨之深由此言也

六年春正月癸卯朔丁巳左散騎常侍致仕馮定卒贈  
工部尚書己未南詔契丹室韋渤海牂牁昆明等國遣  
使入朝對於麟德殿兵部侍郎判度支盧商奏諸道兵  
討伐党項今差度支郎官一人往所在有糧料州郡先  
計度支給從之乙丑渤海王子大之萼入朝東都太微  
宮修成元元皇帝元宗肅宗三聖容遣右散騎常侍裴  
章往東都薦獻監察御史元壽奏前彭州刺史李紱買  
本州龍興寺婢爲乳母違法貶隨州長史二月壬申朔  
癸酉以時雨愆候詔京城天下繫囚除官典犯賊持杖  
劫殺忤逆十惡外罪遞減一等竝釋放

免今歲  
夏稅

征党項

行營兵士不得濫有殺傷丁丑左拾遺王龜以父興元  
節度使起年高乞休官侍養從之是夜月犯畢大星相  
去三寸庚辰以夏州節度使米暨充東北道招討党項  
使壬午右庶子呂讓進狀亡兄溫女大和七年嫁左衛  
兵曹蕭敏生二男開成三年敏心疾乖忤因而離婚今  
敏日愈却乞與臣姪女配合從之乙酉前太子少保劉  
沔可太子太保致仕前壽州刺史王鎮貶潞州長史丁  
亥夜月色少光至一更一點犯熒惑相去四寸後良久  
其光燭地在軫七度壬辰以翰林學士起居郎孫穀爲  
兵部員外郎充職以旱停上巳曲江賜宴敕比緣錢重

幣輕生人轉困今新加鼓鑄必在流行通變救時莫切於此宜申先甲之令以儆居貨之徒京城諸道宜起來

年正月

食貨志今年十月

已後公私行用並取新錢其舊錢權

停三數年如有違犯同用鉛錫錢例科斷其舊錢並沒

納又敕諸道鑄錢已有次第須令舊錢流布絹帛價值

稍增文武百僚俸料起三月一日並給見錢一半先給

正段對估時價皆給見錢貶舒州刺史蘇滌連州刺史

滌李宗閔黨前自給事中爲德裕所斥累年郡守至是

李紳言其無政故也以邠寧節度使高承恭充西南面

招討党項使丙申夜月掩牛南星又犯歲星丁酉新羅

使金國連入朝辛丑夜東北流星如桃色赤其光燭地  
尾迹入大角西流穿紫微垣三月壬寅朔上不豫制改  
御名炎帝重方士頗服食修攝親受法籙至是藥躁喜  
怒失常疾既篤旬日不能言宰相李德裕等請見不許  
中外莫知安否人情危懼王戊左神策護軍中尉馬元  
贊立光王怡爲皇太叔權勾  
當軍國是月二十三日子甲宣遺詔以皇太叔光王柩前  
卽位是日崩時年三十三諡曰至道昭肅孝皇帝廟號  
武宗其年八月葬於端陵德妃王氏祔焉

史臣曰開成中王室寢卑政由閹寺及綴衣將變儲位  
遽移昭肅以孤立維城副茲當璧而能雄謀勇斷振已

去之威權運策勵精拔非常之俊傑屬天驕失國潞孽  
阻兵不惑盈庭之言獨納大臣之計戎車旣駕亂略底  
寧紀律再張聲名復振足以蹈章武出師之迹繼元和  
戡亂之功然後迂訪道之車築禮神之館棲心元牝物  
色幽人將致俗於大庭欲希蹤於姑射於是削浮圖之  
法懲游惰之民志欲矯步丹梯求珠赤水徒見蕭衍姚  
興之謬學不悟秦王漢武之非求蓋惑於左道之言偏  
斥異方之說況身毒西來之教向欲千禩蚩蚩之民習  
以成俗畏其教甚於國法樂其徒不異登僊如文身祝  
髮之鄉久習而莫知其醜似吐火吞刀之戲乍觀而便

以爲神安可正之以咸韶律之以章甫加以笮融何充  
之佞代不乏人非荀卿孟子之賢誰興正論一朝隳殘  
金狄燔棄胡書結怨於膜拜之流犯怒於鄙夫之口哲  
王之舉不駭物情前代存而勿論實爲中道欲革斯弊  
以俟河清昭肅明照聽斯弊矣

唐書卷第十九



唐書卷第二十

本紀二十

宣宗

宣宗聖武獻文孝皇帝

元聖至明成武獻文睿智章仁神聰懿道大孝皇帝

諱忱

憲宗第十三子母曰孝明皇后鄭氏元和五年六月二

十二日生於大明宮長慶元年二月封光王名怡會昌

六年三月一日

案新書武宗紀作壬戌當是二十一日

武宗疾篤

左神策護軍中

尉馬元贇立光王爲皇太叔

遺詔立爲皇太叔權勾當軍國政事翼

子曰甲柩前卽帝位改今名時年三十七帝外晦而內明

嚴重寡言視瞻特異幼時宮中以爲不慧十餘歲時遇

重疾沈綴忽有光輝燭身蹶然而興正身拱揖如對臣

僚乳媪以爲心疾穆宗視之拊其背曰此吾家英物非  
心憊也賜以玉如意御馬金帶嘗夢乘龍升天言之於  
鄭后乃曰此不宜人知者幸勿復言歷大和會昌朝愈  
事韜晦羣居游處未嘗有言文宗武宗幸十六宅宴集  
強誘其言以爲戲劇謂之光叔武宗氣豪尤不爲禮及  
監國之日哀毀滿容接待羣僚決斷庶務人方見其隱  
德焉夏四月辛未釋服乙亥始聽政尊母鄭氏曰皇太后以  
兵部侍郎翰林學士承旨白敏中守本官同中書門下  
平章事新書在五  
月乙巳丙子以特進守太尉門下侍郎同平  
章事上柱國衛國公食邑二千戶李德裕檢校太尉同

平章事江陵尹荆南節度使以中散大夫大理卿馬植

爲金紫光祿大夫刑部侍郎諸道鹽鐵轉運使加成德

軍節度使王元逵檢校太保山南西道節度使王起檢

校司空魏博節度使何宏敬淮南節度使李紳並檢校

司空劍南西川節度使崔郾檢校右僕射同平章事竝

如故辛卯李讓夷爲司空表鄭肅檢校尙書左僕射兼中書侍郎李讓夷爲司空兼門下侍郎東都

留守李石奏修奉太廟畢所迎奉太微宮神主祔廟訖

東都太廟者本武后家廟神龍中中宗反正廢武氏廟

主立太祖已下神主祔之安祿山陷洛陽以廟爲馬廐

棄其神主協律郎嚴郢收而藏之史思明再陷洛陽尋

又散失賊平東京留守盧正已又募得之廟已焚毀乃寄主於太微宮大厯十四年留守路嗣恭奏重修太廟以迎神主詔百官參議紛然不定禮儀使顏真卿堅請歸祔不從會昌五年留守李石因太微宮正殿圯侈以廢宏敬寺爲太廟迎神主祔之又下百僚議皆言準故事無兩都俱置之禮唯禮部侍郎陳商議云周之文武有鎬洛二廟今兩都異廟可也然不宜置主於廟主宜依禮瘞於廟之北墉下事未行而武宗崩宣宗卽位因詔有司迎太微宮寓主祔廢寺之新廟而知禮者非之制皇長男溫可封鄆王

漢封  
雍王

二男涇可封雅王三男滋

可封夔王四男沂可封慶王

新書在五  
月辛酉

五月

乙巳  
大赦

左右

街功德使奏準今月五日赦書節文上都兩街舊留四

寺外更添置八所兩所依舊名興唐寺保壽寺六所請

改舊名寶應寺改爲資聖寺青龍寺改爲護國寺菩提

寺改爲保唐寺清禪寺改爲安國寺法雲尼寺改爲唐

安寺崇敬尼寺改爲唐昌寺右街添置八所西明寺改

爲福壽寺莊嚴寺改爲聖壽寺舊留寺二所舊名千福

寺改爲興元寺化度寺改爲崇福寺永泰寺改爲萬壽

寺溫國寺改爲崇聖寺經行寺改爲龍興寺奉恩寺改

爲興福寺敕旨依奏誅道士劉元靖等十二人以其說

或武宗排毀釋氏故也今月五日敕書節文吏部三銓

選士祇憑資考多匪實才許觀察使刺史有奇才異政

之士聞薦試用又觀察使刺史交代之時冊書所交戶

口如能增添至千戶卽與超遷如逃亡至七百戶罷後

三年內不得任使又徒流人在天德振武者管中量借

糧種俾令耕田以爲業以劍南東川節度使檢校禮部

尙書

新書兵部侍郎判度支

盧商爲兵部侍郎

新書中書侍郎表兼工部尙書同

中書門下平章事

新書在九月

六月以戶部侍郎諸道鹽鐵

轉運使馬植本官同中書門下平章事

案大中二年三月已酉馬植同

平章事新書同此疑誤

秋七月以兵部尙書李讓夷

案讓夷三月拜司空未嘗

罷相為兵部尚書也此處疑闕同平章事文

為劍南東川節度使

表檢校司空同平章

事淮南節度使

○八月辛未大行宮火壬申葬至道昭

肅孝皇帝於端陵九月雲南蠻寇安南經畧使裴元裕

敗之鄭肅罷表為荆南節度使李回為門下侍郎白敏中為中書侍郎

冬十月敕太廟祫

享合以功臣配其憲宗廟以裴度杜黃裳李愬高崇文

等配享以荆南節度使李德裕為東都留守十一月有

司享太廟其穆宗室文曰皇兄太常博士閔慶之奏夫

禮有尊尊而不叙親親祝文稱弟未當請改為嗣皇帝

從之京兆府奏京師百司職田斛斗請準會昌三年例

許人戶自送納京師所冀州縣無得欺隱從之以江西

觀察使周墀為義成軍節度鄭滑觀察等使十二月

戊辰

朔日有食之刑部尚書判度支崔元式奏準七月二日敕綾

紗絹等次弱匹段並同禁斷不得織造臣欲與鹽鐵戶部二司同條疏先勘左藏庫令分析出次弱匹段州府卽牒本道官搜索狹小機杼令焚毀其已納到次弱匹段具數以聞上從之

大中元年春正月戊戌朔宮苑使奏皇帝致齋行事內

諸宮苑門共九十四所竝令鎖閉鑰匙進內候車駕還

宮則請領從之戊申皇帝有事於郊廟壬子朝獻於太清宮癸丑朝享

於太廟甲寅禮畢御丹鳳門大赦改元復左降官死者

有事於南郊勳父老帛文宣公後及官爵賜文武官階二王後三恪予一子官制條曰古者郎官出牧卿相治



郡所以重親人之官急爲政之本自澆風久扇此道稍消頡頏清途便臻顯貴治人之術未嘗經心欲使究百姓艱危通天下利病不可得也爲政之始思厚儒風軒墀近臣蓋備顧問如其不知人疾苦何以膺朕眷求今後諫議大夫給事中中書舍人未曾任刺史縣令或在任有贓累者宰臣不得擬議守宰親人職當撫字三載考績著在格言貞元年中屢下明詔縣令五考方得改移近者因循都不遵守諸州或得五考畿府罕及二年以此字人若爲成政道途郡吏有迎送之勞鄉里庶民無蘇息之望自今須滿三十六箇月永爲常式二月丁

卯朔制憲宗第十七子惕封彭王

新書在三年十一月己卯舊書傳同第

十八子惔封棣王

新書在六年十一月舊書傳同

皇第五子澤封濮王

新書在二年三月舊書傳同

第六子潤封鄂王

新書在五年六月舊書傳同

敕修

百福殿以檢校太尉東都留守李德裕爲太子少保分

司東都以給事中鄭亞爲桂州刺史御史中丞桂管防

禦觀察等使

癸未以旱避正殿減膳理京師囚罷太常教坊習樂損百官食出宮女五百人放五

坊鷹犬停飛龍馬粟

三月丁酉朔禮部侍郎魏扶奏臣今年所放

進士三十三人其封彥卿崔琢鄭延休等三人實有詞

藝爲時所稱皆以父兄見居重位不得令中選詔令翰

林學士承旨戶部侍郎韋琮重考覆敕曰彥卿等所試

文字竝合度程可放及第有司考試祇在至公如涉請  
託自有朝典今後但依常例放榜不得別有奏聞帝雅  
好儒士留心貢舉有時微行人間採聽輿論以觀選士  
之得失每山池曲宴學士詩什屬和公卿出鎮亦賦詩  
餞行凡對臣僚肅然拱揖鮮有輕易之言大臣或獻章  
疏卽燒香盥手而覽之當時以大中之政有貞觀之風  
焉又敕自今進士放榜後杏園任依舊宴集有司不得  
禁制武宗好巡遊曲江亭禁人宴集故也

刑部尚書判  
度支崔元式

爲門下侍郎同中  
書門下平章事

閏月敕會昌季年併省寺宇雖云異

方之教無損致理之源中國之人久行其道釐革過

當事體未宏其靈山勝境天下州府應會昌五年四月

所廢寺宇有宿舊名僧復能修創一任住持所司不得

禁止夏四月己酉積慶太后蕭氏崩諡曰貞獻文宗母也

五月張仲武及奚北部落戰敗之吐蕃回鶻寇河西河東節度使王宰敗之六月以義成軍

節度使周墀爲兵部侍郎判度支冊黠戛斯王子爲英  
武誠明可汗命鴻臚卿李業入蕃冊拜以金紫光祿大  
夫守太子少保分司東都上柱國奇章郡開國公食邑  
二千戶牛僧孺守太子太師銀青光祿大夫行太子賓  
客上柱國隴西郡開國公食邑二千戶李彥佐爲太子  
太保並依前分司東都以左諫議大夫庾簡休爲虢州

刺史以正議大夫行考功郎中知制誥上柱國崔瑀爲  
中書舍人以中散大夫前湖州刺史彭陽縣開國男食  
邑三百戶令狐絢行考功郎中知制誥秋七月制以正  
議大夫戶部侍郎知制誥翰林學士承旨桂國賜紫金  
魚袋韋琮以本官新書中書侍郎同中書門下平章事新書在三月

太子少保分司東都衛國公李德裕爲人所訟貶潮州

司馬員外置同正員新書在二月戊午八月工部尙書中書侍

郎同平章事盧商表檢校兵部尙書出爲鄂岳觀察使新書在三月

神策軍奏修百福殿成名其殿曰雍和殿樓曰親親樓

凡廊舍屋宇七百間以會諸王子孫丙申李回罷表檢校吏部尙書劍南

西川節度使。庚子葬貞獻皇太后於光陵。

九月前永寧縣尉吳汝納詣闕

稱冤言弟湘會昌四年任揚州江都縣尉被節度使李

紳誣奏湘賊罪宰相李德裕曲情附紳斷臣弟湘致死

詔下御史臺鞠按

二年春正月壬戌

新書甲子

宰臣率文武百僚上徽號曰聖

敬文思和武光孝皇帝御宣政殿受冊訖宣德音

大赦宗子

房未仕者予一人出身賜文武官階勳爵

神策軍修左銀臺門樓屋宇及南

面城牆至睿武樓

表丙寅白敏中兼刑部尚書崔元二式兼戶部尚書韋琮兼禮部尚書

二

月制劍南西川節度使光祿大夫檢校吏部尚書同平

章事成都尹上柱國隴西郡開國公食邑二千戶李回

責授湖南觀察使桂州刺史御史中丞桂管防禦觀察使鄭亞責授循州刺史前淮南觀察判官魏鉏貶吉州司戶陸渾縣令元壽貶韶州司戶殿中侍御史蔡京貶澧州司馬御史臺奏據三司推勘吳湘獄謹具逐人罪狀如後揚州都虞候盧行立劉羣於會昌二年五月十四日於阿顏家喫酒與阿顏母阿焦同坐羣自擬收阿顏爲妻妄稱監軍使處分要阿顏進奉不得嫁人兼擅令人監守其阿焦遂與江都縣尉吳湘密約嫁阿顏與湘劉羣與押牙官李克勲卽時遮攔不得乃令江都百姓論湘取受節度使李紳追湘下獄計賊處死具獄奏

聞朝廷疑其寃差御史崔元藻往揚州按問計湘雖有  
取受罪不至死李德裕黨附李紳乃貶元藻嶺南取淮  
南元申文案斷湘處死今據三司使追崔元藻及淮南  
元推判官魏鉶并關連人款狀淮南都虞候劉羣元推  
判官魏鉶典孫貞高利錢倚黃嵩江都縣典沈頴臣

字疑

謫宰節度押牙白涉鎮遏使傅義左都虞候盧行立天  
長縣令張宏思典張洙清陳迴右廂子巡李行璠典臣  
金宏舉送吳湘妻女至澧州取受錢物人潘宰前揚府  
錄事參軍李公佐元推官元壽吳珙翁恭太子少保分  
司東都李德裕西川節度使李回桂管觀察使鄭亞等



伏候敕旨其月敕李回鄭亞元壽魏鋤已從別敕處分  
李紳起此冤訴本由不真今旣身歿無以加刑粗塞衆  
情量行削奪宜追奪三任官告送刑部注毀其子孫稽  
於經義罰不及嗣並釋放李德裕先朝委以重權不務  
絕其黨庇致使冤苦直到於今職爾之由能無恨歎昨  
以李威所訴已經遠貶俯全事體特爲從寬宜準去年  
敕令處分張宏思李公佐卑吏守官制不由己不能守  
正曲附權臣各削兩任官崔元藻曾受無辜之貶合從  
洗雪之條委中書門下商量處分李恪詳驗款狀蠹害  
最深以其多時須議減等委京兆府決脊杖十五配流

天德李克勲欲收阿顏決脊杖二十配流硤州劉羣據

其款狀合議痛刑曾效職官不欲決脊決臀杖五十配

流岳州其廬行立及諸典吏委三司使量罪科放訖聞

奏三月己酉兵部侍郎判度支周墀禮部尚書新書刑部侍郎

諸道鹽鐵轉運使馬植竝本官同中書門下平章事新書

在五月己未日本國王子入朝貢方物王子善基帝令待詔

顧師言與之對手夏五月己未朔日有食之崔元式罷表為刑部

尚書六月己丑太皇太后郭氏崩新書在五諡曰懿安憲

宗妃穆宗之母也戶部侍郎兼御史大夫判度支崔龜

從奏應諸司場院官請却官本錢後或有欺隱欠負徵

理須足不得苟從恩蕩以求苟免今後凡隱盜欠負請

如官典犯贓例處分縱逢恩赦不在免限從之

表庚戌白敏中

韋琮爲門下侍郎馬植周鼎爲中書侍郎秋七月戊午以前山南西道節度

使高元裕爲吏部尚書

案元裕傳大中初爲刑部尚書三年檢校吏部尚書山南東道

節度使此疑東道之拜非自西道遷吏部尚書也且本傳亦無節度西道文疑誤○已巳續圖功臣于凌烟閣

八月戊子朝散大夫中書舍人充翰林學士上柱國平

陰縣開國男食實封三百戶賜紫金魚袋畢誠爲刑部

侍郎九月敕比有無良之人於街市投匿名文書及於

箭上或旗幡上縱爲姦言以亂國法此後所由切加捉

搦如獲此色便仰焚瘞不得上聞冬十一月

壬午葬懿安太皇太

后於景陵兵部侍郎判戶部事魏扶奏天下州府錢物斛斗

文簿竝委錄事參軍專判仍與長史通判至交代時具

數申奏如無懸欠量與減選注擬敕路隨等所修憲宗

實錄舊本却仰施行其會昌新修者仰竝進納如有抄

錄得敕到竝納史館不得輒留委州府嚴加搜捕以戶

部侍郎判度支崔龜從本官同中書門下平章事新書在四

年六月戊申本傳同當從新書銀青光祿大夫門下侍郎兼禮部尚書

同平章事韋琮爲太子詹事新書賓客分司東都

三年春正月丙寅涇原節度使康季榮奏吐蕃宰相論

吐蕃傳恐熱以秦原安樂三州及石門等七關石門驛藏木峽

制勝六盤石之兵民歸國新書在二月詔太僕卿陸耽往喻

旨仍令靈武節度使朱叔明邠寧節度使張景緒各出

本道兵馬應接其來以太常卿封敖檢校兵部尚書典

元尹山南西道節度使三月乙卯敕待詔官宜令與刑

法官諫官次對表周墀兼刑部尚書白銀青光祿大夫

中書侍郎同平章事監修國史上柱國汝南縣開國子

食邑五百戶周墀檢校刑部尚書梓州刺史劍南東川

節度使新書在四月乙酉夏四月以正議大夫守中書

侍郎同平章事集賢殿大學士賜紫金魚袋馬植為太

子賓客分司東都新書在三月表檢校禮部乙酉以正

議大夫守御史大夫上柱國博陵縣開國子食邑五百  
戶賜紫金魚袋崔鉉守中書侍郎同中書門下平章事  
正議大夫行兵部侍郎判戶部事上柱國鉅鹿縣開國  
男食邑五百戶賜紫金魚袋魏扶本官同中書門下平  
章事五月幽州節度使檢校司徒同平章事張仲武卒  
三軍以其子直方知留後事新書在四月癸巳。武寧軍亂逐其節度使李廓  
六月癸未五色雲見于京師敕先經流貶罪人不幸歿  
於貶所有情非惡逆任經刑部陳牒許令歸葬絕遠之  
處仍量事官給棺槨康季榮奏收復原州石門驛藏木  
峽制勝六盤石峽等六關訖邠寧張君緒奏今月十三

日收復蕭關御史臺奏義成軍節度使韋讓於懷直坊  
侵街造屋九間已令毀折訖敕於蕭關置武州改安樂  
爲威州秋七月三州七關軍人百姓偕河隴遺黎數千  
人見於闕下上御延喜門撫慰令其解辮賜之冠帶共  
賜絹十五萬匹八月鳳翔節度使李玘奏收復秦州制  
曰自昔皇王之有國也曷嘗不文以守成武以集事參  
諸二柄歸乎大寧朕猥荷丕圖思宏景運憂勤庶政四  
載于茲每念河湟土疆縣亘遐濶白天寶末犬戎乘我  
多難無力禦姦遂縱腥羶不遠京邑事更十葉時近百  
年進士試能靡不竭其長策朝廷下議皆亦聽其直詞

盡以不生邊事爲永圖且守舊地爲明理荏苒於是收  
復無由今者天地儲祥祖宗垂佑左袵輸款邊壘連降  
刷恥建功所謀必克實樞衡妙算將帥雄稜副元元不  
爭之文絕漢武遠征之悔甌脫頓空於內地斥埃全據  
於新封莫大之休指期而就況將士等櫛沐風雨暴露  
郊原披荆棘而刁斗夜嚴逐豺狼而穹廬曉破動皆如  
意古無與京念此誠勤宜加寵賞涇原宜賜絹六萬匹  
靈武五萬匹鳳翔邠寧各四萬匹竝以戶部產業物色  
充仍待季榮叔明李玘君緒各迴戈到鎮度支差脚支  
送四道立功將士各具名銜聞奏當議甄酬其秦威原



三州及七關側近訪聞田土肥沃水草豐美如百姓能耕墾種蒔五年內不加稅賦五年已後重定原籍便任爲永業溫池鹽利可贍邊陲委度支制置聞奏鳳翔邠寧靈武涇原守鎮將士如能於本戍處耕墾營田卽度支給賜牛糧子種每年量得斛斗便充軍糧亦不限約定數三州七關鎮守官健每人給衣糧兩分一分依常年例支給一分度支加給仍二年一替換其家口委長吏切加安存官健有莊田原籍者仰州縣放免差役秦州至隴州已來道路要置堡柵與秦州應接委李玘與劉臯卽便計度聞奏如商旅往來官健父兄弟通傳

家信關司竝不得邀詰阻滯三州七關刺史關使將來  
訓練捍防有效能者竝與超序官爵劍南西川沿邊沒  
蕃州郡如力能收復本道亦宜撥借三州七關創置戍  
卒且要務靜如蕃人求市切不得通有來投降者申取  
長吏處分嗚呼七關要害三郡膏腴候館之殘趾可尋  
唐人之遺風尙在追懷往事良用興嗟夫取不在廣貴  
保其金湯得必有時豈計於遲速今則便務修築不進  
干戈必使足食足兵有備無患載洽亭育之道永致生  
靈之安中外臣僚宜體朕意九月辛亥西川節度使杜  
棕奏收復維州

新書在十月

制曰朕祇荷丕業思平泰階將

分邪正之源冀使華夷胥悅其有常登元輔久奉武宗  
深苞禍心盜弄國柄雖已行譴斥之典而未塞億兆之  
言是議再舉朝章式遵彝憲守潮州司馬員外置同正  
員李德裕早藉門地叨踐清華累居將相之榮唯以姦  
傾爲業當會昌之際極公台之榮騁諛佞而得君遂恣  
橫而持政專權生事妬賢害忠動多詭異之謀潛懷僭  
越之志秉直者必棄向善者盡排誣貞良造朋黨之名  
肆讒構生加諸之釁計有踰於指鹿罪實見其欺天屬  
者方處鈞衡曾無嫌避委國史於愛壻之手寵祕文於  
弱子之身洎參信書亦引親昵恭惟元和寶實疑作實錄乃

不刊之書擅敢改張罔有畏忌奪他人之懿績爲私門  
之令猷又附李紳之曲情斷成吳湘之冤獄凡彼簪纓  
之士遏其取捨之途驕居自夸狡蠹無對擢爾之髮數  
罪未窮載闕罔上之由益驗無君之意使天下之人重  
足而迹皆讐懼奉面而慢易在心爲臣若斯於法何追  
於戲朕務全大體久爲含容雖黜降其官榮尙蓋藏其  
醜狀而睥睨未已兢惕無聞積惡旣彰公議難抑是宜  
移投荒服以謝萬邦中外臣僚當知予意可崖州司戶  
參軍所在馳驛發遣縱逢恩赦不在量移之限以起居  
郎庾道蔚禮部員外郎李文儒竝充翰林學士冬十月

辛巳京師地震河西天德靈夏尤甚戍卒壓死者數千人十一月東川節度使鄭涯鳳翔節度使李玘奏修文川谷路自靈泉至白雲置十一驛下詔褒美經年爲兩所壞又令封敖修斜谷舊路以刑部侍郎韋有翼爲御史中丞以職方員外郎鄭處誨兼御史知雜幽州軍亂逐其留後張直方軍人推其衙將周綝爲留後新書在四年八月軍人逐直方卽以張允仲爲留後無周綝十二月追諡順宗曰至德宏道大聖大安孝皇帝憲宗曰昭文章武大聖至神孝皇帝初以河湟收復百僚請加徽號帝曰河湟收復繼成先志朕欲追尊祖宗以昭功烈白敏中等對曰非臣愚昧

所能及至是上御宣政殿行事及冊出俯僂目送流涕

嗚咽崖州司戶參軍李德裕卒於貶所

吐蕃以扶州歸於有司

四年春正月

庚辰

以追尊二聖御正殿大赦天下徒流比

在天德者以十年爲限旣遇鴻恩例減三載但使循環

添換邊不闕人次第放歸人無怨苦其秦原威武諸州

諸關先準格徒流人亦量與立限止於七年如要住者

亦聽諸州府縣官如請工假一月已下權差諸廳判官

一月已上卽準勾當例其課料等據數每貫刻二百文

與見判案官添給有故意殺人者雖已傷未死已死更

生意欲殺傷偶然得免竝同已殺人條處分二月皇女

萬壽公主出降右拾遺鄭顥以顥爲銀青光祿大夫行起居郎駙馬都尉三月己卯刑部奏監臨主守應將官物私自貸使并貸借人及以已物中納官司者并專知

別當主掌所由有犯贓竝同犯入已贓不在原赦之限

從之以幽州節度副大使檢校工部尙書張直方爲左

金吾衛將軍夏四月

壬申以兩霖詔京師關輔理囚蜀度支鹽鐵戶部逋負

敕法

司用刑或持巧詐分律兩端遂成其罪旣奸吏得計則黎庶何安自今後應書罪定刑宜直指其事不得舞文妄有援引又刑部奏準今年正月一日敕節文據會昌元年三月二十六日敕竊盜贓至一貫文處死宜委所

司重詳定條目奏聞臣等檢校竝請準建中三年三月二十四日敕竊盜賊滿三匹已上決殺如賊數未充量請科放從之

六月戊申魏扶薨戶部尚書判度支崔龜從同中書門下平章事

秋七月

丙子大理卿劉濛奏古者懸法示人欲使人從善遠罪至於不犯以致刑措準大和二年十月二十六日刑部侍郎高欽條疏準勘節目一十一件下諸州府粉壁書於錄事參軍食堂每申奏罪人須依前件節目歲月滋久文字湮淪州縣推案多違漏節目今後請下諸道令刻石置於會食之所使官吏起坐觀省記憶條目庶令案牘周詳從之八月刑部侍郎御史中丞魏謩奏諸道



州府百姓詣臺訴事多差御史推劾臣恐煩勞州縣先  
請差度支戶部鹽鐵院官帶憲銜者推劾今各得三司  
使申稱院官人數不多例專掌院務課績不辦今諸道  
觀察使幕中判官少不下五六人請於其中帶憲銜者  
委令推劾如累推有勞能雪冤滯御史臺闕官便令奏  
用從之

表庚戌崔龜從罷度支

九月以朝請大夫檢校禮部尚書

孟州刺史河陽三城節度使李拭爲太原尹北都留守

河東節度使幽州節度使周繼卒軍人立其牙將張允

伸爲留後

新書在八月

冬十月中書侍郎同平章事魏扶罷

知政事

案新書六月戊申扶已書薨舊書十月扶始罷知政事扶無傳可核未知何從

十一月

已亥敕收復成維扶等三州建立已定條令制置一切

合同其已配到流人宜準秦原威武等州流例七年放

還党項羌寇邠寧以戶部侍郎判本司事翰林學士承旨令狐絢爲兵

部侍郎同中書門下平章事新書在十月辛未十二月以華州

刺史周敬復爲金紫光祿大夫檢校左散騎常侍洪州

刺史江西團練觀察使鳳翔節度使李安業河東節度使李拭爲招討党項使

五年春正月甲戌制皇第七子洽封懷王第八子內封

昭王第九子汶封康王新書在八年九月舊書傳同敕兩京天下州

府起大中五年正月一日已後三年內不得殺牛如郊

廟享祀合用者卽以諸畜代二月戶部侍郎裴休充諸

道鹽鐵轉運使夏四月癸卯刑部侍郎劉瑑奏據今年四月十三日已前凡三百四十四件雜制敕計六百四十六門二千一百六十五條議輕重名曰大中刑法統

類欲行用之

表乙卯崔鉉守尚書右僕射兼門下侍郎兼禮部尚書

為中書侍郎

五月以太原尹河東節度使李拭為鳳翔

節度使以鳳翔節度使李業

新書名安業

檢校戶部尚書太

原尹北都留守河東節度使守司空門下侍郎同平章

事太原郡開國伯食邑一千戶白敏中檢校司徒同平

章事邠州刺史充邠寧節度觀察東面招討党項等使

新書在三月戊申表特進守司空兼門下侍郎同平章事招討南山党項行營兵馬都統制置使并南北路供

軍使邠寧慶等州節度使

以戶部侍郎判戶部事魏謩本官同中書

門下平章事

新書在十月戊辰

秋七月宰相監修國史崔龜從

續柳芳唐厯二十二卷上之八月

赦南山党項羌

敕公主邑司

擅行文牒恐多影庇有紊條章今後公主除錄徵封外

不得令邑司行文書牒府縣如緣公事令邑司申宗正

寺與酌事體施行沙州刺史張義潮遣兄義潭以瓜沙

伊肅

鄯甘河西蘭岷廓

等十一州戶口來獻

新書在十月

自河隴陷

蕃百餘年至是悉復隴右故地以義潮為瓜沙伊等州

節度使九月敕條疏刺史交代須一一交割公事與知

州官方得離任準會昌元年敕刺史只禁科率官吏抑

配人戶至於使州公廨及雜利潤天下州府皆有規制不敢違越緣未有明敕處分多被無良人吏致使恐嚇或致言訟起今後應刺史下擔什物及除替後資送錢物但不率斂官吏不科配百姓一任各守州縣舊例色目支給如無公廨不在資送之限若輒有率配以入已贓論以正議大夫兵部侍郎諸道鹽鐵轉運使上柱國河東縣開國子裴休守禮部尙書進階金紫以前宣歙觀察使大中大夫檢校左散騎常侍裴諗權知兵部

本傳

刑部

侍郎冬十月己亥京兆尹韋博奏京畿富戶爲諸軍

影占苟免府縣色役或有追訴軍府紛然請準會昌三

年十二月敕諸軍使不得強奪百姓入軍從之白敏中

司空同中書門下平章事十一月表庚寅中書侍郎兼吏部尚

書同平章事崔龜從檢校左僕射表檢校吏部尚書汴州刺史

宣武軍節度使沙州置歸義軍以張義潮爲節度使太

子詹事姚康獻帝王政纂十卷又撰統史三百卷上自

開闢下盡隋朝帝王美政詔令制置銅鹽錢穀損益用

兵利害下至僧道是非無不備載編年爲之國子祭酒

馮審奏文宣王廟始太宗立之睿宗書額武后竊政之

日改篆題大周二字請削之從之十二月盜斫景陵神

門戟京兆尹韋博罰兩月俸貶宗正卿李文舉睦州刺

史陵令吳閔岳州司馬奉先令裴讓隋州司馬是歲湖南大饑

六年春正月戊辰以隴州防禦使薛達爲秦州刺史天

雄軍使兼秦成階兩州經畧使

表癸巳令孤絢兼戶部尚書

二月右

衛大將軍鄭光以賜田請免租稅宰相魏謩奏曰鄭光

以國舅之親賜田可也免稅無以勸蒸民敕曰一依人

戶例供稅

新書鄭光傳作大中四年案是年魏謩尙未入相誤當從舊紀

三月隴州刺

史薛達奏修築定成關工畢

有慧出於觜參

夏四月

表甲申白敏中檢校

司徒平章事西川節度使

丁酉敕常平義倉斛斗每年檢勘實水旱

災沴處錄事參軍先勘人戶多少支給先貧下戶富戶

不在支給之限以禮部尙書諸道鹽鐵轉運等使裴休

本官同中書門下平章事

新書在八月

五月敕天下軍府有

兵馬處宜選會兵法能弓馬等人充教練使每年合教習時常令教習仍於其時申兵部御史臺奏諸色刑獄有關連朝官者尙書省四品已上諸司三品已上官宜先奏取進止如取諸色官狀卽申中書取裁從之秋七月丙辰前淮南節度使金紫光祿大夫檢校左僕射兼揚州長史御史大夫上柱國贊皇郡開國公食邑一千五百戶李珣卒贈司空敕犯贓人平贓據律以當時物價上絹估請取所犯之處其月內上旬時估平之從之



檢校司空太子少師上柱國范陽郡開國公食邑二千

戶盧鈞為太原尹北都留守河東節度使漢薨九月敕

起居郎轉官月限宜以二十箇月獫寇昌資二州表十

書侍郎○是

歲淮南饑

七年春正月壬辰金紫光祿大夫守太子少傅分司東

都上柱國晉陵郡開國公食邑二千戶歸融卒贈右僕

射丙午朝獻於太清宮丁未朝享夏四月以御史大夫

鄭朗為中書侍郎工部同中書門下平章事新書在十

巳五月左衛率府倉曹參軍張戣集律令格式條件相

類一千二百五十條分一百二十一門號曰刑法統類

上之秋七月以正議大夫尙書左丞上柱國賜紫金魚袋崔瑒爲刑部尙書以銀青光祿大夫行兵部侍郎知制誥充翰林學士蘇滌爲尙書左丞權知戶部侍郎崔與權知兵部侍郎冬十月左僕射門下侍郎同平章事太清宮使宏文館大學士崔鉉進續會要四十卷修撰官楊紹復崔瑒薛逢鄭言等賜物有差

八年春正月

丙戌朔日有食之

陝州黃河清二月南蠻進犀牛

詔還之三月敕以早詔使疏決繫囚宰相監修國史魏謩修成文宗實錄四十卷上之修史官給事中盧耽太常少卿蔣偕司勳員外郎王渢右補闕盧吉頒賜銀器

錦綵有差以山南東道節度使檢校戶部尚書襄州刺史上柱國酒泉縣開國子食邑三百戶李景讓爲吏部尚書夏五月以中書舍人翰林學士韋澳爲京兆尹以戶部侍郎翰林學士承旨上柱國武功縣開國子食邑三百戶蘇滌檢校兵部尚書兼江陵尹御史大夫荆南節度管內觀察處置等使秋七月銀青光祿大夫守門下侍郎同平章事魏謩兼戶部尚書八月以司農卿鄭助檢校左散騎常侍兼夏州刺史御史大夫上柱國滎陽縣開國男食邑三百戶夏綏銀宥節度營田觀察處置押蕃落安撫平夏党項等使

表十一月乙酉裴休罷鹽鐵轉運使十二月癸

已魏墓  
罷戶部

九年春正月辛巳銀青光祿大夫祕書監許昌縣開國

男陳商卒贈工部尚書

甲申成德軍節度使王元逵卒其子紹鼎自稱留後

二月

表甲戌崔鉉為尚書左僕射令狐綯為門下侍郎魏墓

兼禮部尚書裴休為中書侍郎兼戶部尚書○案崔鉉

舊書七年已書左僕射矣表

是年拜傳無明據未知何從中書侍郎兼禮部

表戶部尚

書同平章事裴休檢校吏部

表戶部

尚書

表同平章事

兼汴州

刺史御史大夫宣武軍節度汴宋亳州觀察處置等使

新書在十年十月戊子案本傳當從新書

三月試宏詞舉人漏泄題目為御

史臺所劾侍郎裴諗改國子祭酒郎中周敬復罰兩月

俸料考試官刑部郎中唐枝出為處州刺史監察御史

馮顥罰一月俸料其登科十人竝落下其吏部東銓委  
右丞盧懿權判以吏部侍郎鄭涯檢校禮部尙書兼定  
州刺史御史大夫義武軍節度易定觀察處置北平軍  
等使御史臺奏據正月八日禮部貢院捉到明經黃續  
之趙宏成全質等三人偽造堂印堂帖兼黃續之偽著  
緋衫將偽帖入貢院令與舉人虞蒸胡簡党贊等三人  
及第許得錢一千六百貫文據勘黃續之等罪款具招  
造僞所許錢未曾入手便事敗奉敕竝準法處死主司  
以自獲姦人竝放

閏四月辛丑禁嶺外民鬻男女者

秋七月以河東節度

使檢校司空太原尹北都留守上柱國范陽郡開國公

食邑二千戶盧鈞守右僕射

以旱遣使巡撫淮南減上供饋運蜀進租發粟賑民

庚申罷淮南宣歙浙西冬至元日常貢以代下戶租稅是月浙江東道軍亂逐其觀察使李訥

八月以

門下侍郎守左僕射同平章事監修國史博陵縣開國

伯食邑一千戶崔鉉檢校司空

表檢校尚書左僕射

同平章事兼

揚州長史淮南節度副大使知節度事宜宗宴餞賦詩

以賜之

新書在七月丙辰

九月昭義軍節度使檢校禮部尚書

兼潞州長史御史大夫上柱國賜紫金魚袋鄭洧檢校

刑部尚書太原尹北都畱守御史大夫河東節度管內

觀察處置等使冬十一月以河南尹劉瑑檢校工部尚

書汴州刺史宣武軍節度汴宋亳州觀察處置等使以

中書舍人鄭顥爲禮部侍郎

十年春正月乙巳以正議大夫華州刺史潼關防禦鎮

國軍等使上柱國隴西縣開國男食邑三百戶賜紫金

魚袋李訥檢校左散騎常侍兼越州刺史御史大夫浙

東都團練觀察等使

案新書九年七月浙東軍亂已逐觀察使李訥矣舊書是年始遷浙

東觀察使未詳孰是

三月中書門下奏據禮部貢院見置科目開

元禮三禮三傳三史學究道舉明算童子等九科近年

取人頗濫曾無實藝可採徒添入仕之門須議條疏俾

精事業臣已於延英面論伏奉聖旨將文字來者其前

件九科臣等商量望起大中十年權三年滿後至時赴

科試者令有司據所舉人先進名令中書舍人重覆問  
過如有本業稍通堪備朝廷顧問卽作等第進名候敕  
處分如有事業荒蕪不合送名數者考官卽議朝責其  
童子近日諸道所薦送者多年齒已過僞稱童子考其  
所業又是常流起今日後望令天下州府薦送童子並  
須實年十一十二已下仍須精熟一經問皆全通兼自  
能書寫者如違制條本道長吏亦議懲法從之夏四月  
癸丑以刑部郎中盧博爲廬州刺史以給事中渤海郡  
開國公食邑二千戶高少逸檢校禮部尙書華州刺史  
潼關防禦鎮國軍等使六月以兵部郎中裴夷直爲蘇



州刺史秋九月以中書舍人杜審權知禮部貢舉冬十月以邠寧節度使檢校禮部尚書邠州刺史上柱國賜紫金魚袋畢誠檢校兵部尚書潞州長史御史大夫昭義軍節度副大使知節度事潞邢洺觀察等使桂管觀察使令狐定卒贈禮部尚書

表戊子令狐綯爲尚書右僕射魏謩爲門下侍郎兼

戶部尚書鄭朗爲中書侍郎兼禮部尚書裴休罷爲檢校戶部尚書同平章事宣武軍節度使○十二月壬辰戶部侍郎判戶部事崔慎由爲工部尚書同中書門下平章事

十一年春正月以銀青光祿大夫守吏部尚書上柱國酒泉縣開國男食邑三百戶李景讓爲御史大夫以朝請大夫守御史中丞兼尚書右丞上柱國賜紫金魚袋

夏侯孜爲戶部侍郎判戶部事以朝散大夫守京兆尹  
上柱國扶風縣開國男食邑三百戶賜紫金魚袋韋澳  
檢校工部尙書孟州刺史御史大夫河陽三城節度孟  
懷澤觀察處置等使先是車駕將幸華清宮兩省官進  
狀子論奏詔曰朕以驪山近宮真聖廟貌未嘗修謁自  
謂闕然今屬陽和氣清中外事簡聽政之暇或議一行  
蓋崇禮敬之心非以豫遊爲事雖申敕命兼慮勞人卿  
等職備禁闈志勤奉上援據前古列狀上章載陳懇到  
之詞深覩盡忠之節已允來請所奏以劍南西川節度  
副使知節度事管內觀察處置統押近界諸蠻及西山

八國雲南安撫等使特進檢校司徒同平章事兼成都  
尹上柱國太原郡開國公食邑二千戶白敏中以本官  
兼江陵尹荆南節度管內觀察處置等使二月以夏綏  
銀宥節度使通議大夫檢校左散騎常侍夏州刺史御  
史大夫上柱國滎陽縣開國男食邑三百戶賜紫金魚  
袋鄭助檢校工部尙書邠州刺史邠寧慶節度管內營  
田觀察處置兼充慶州南路救援鹽州及當道沿路鎮  
寨糧料等使以右金吾衛將軍田在賓檢校右散騎常  
侍兼夏州刺史代鄭助爲夏綏銀宥節度使以荆南節  
度使銀青光祿大夫檢校兵部尙書兼江陵尹御史大

夫上柱國武功郡開國男食邑三百戶蘇滌爲太常卿  
辛巳以銀青光祿大夫門下侍郎兼戶部尚書同平章事

監修國史上柱國魏謩檢校戶部尚書同平章事兼成  
都尹劍南西川節度副大使知節度事以大中大夫守

工部尚書上柱國賜紫金魚袋崔慎由爲中書侍郎同

中書門下平章事

新書在十年十二月壬辰案本傳當從新書又案是年十一月慎由始爲

中書侍郎則此亦當從新書作工部尚書以成德軍節度鎮冀深趙觀察處

置等使起復雲麾將軍守左金吾衛大將軍同正檢校

兵部尚書鎮州長史王紹鼎爲銀青光祿大夫檢校右

僕射餘官如故以通議大夫守中書門下

二字當衍

侍郎兼

禮部尙書同平章事集賢殿大學士上柱國賜紫金魚  
袋鄭朗可監修國史大中大夫守工部尙書同平章事  
上柱國賜紫金魚袋崔慎由可集賢殿大學士三月起  
復朝請大夫深州刺史御史大夫兼成德軍節度判官  
王紹懿可檢校左散騎常侍鎮府左司馬知府事成德  
軍節度副使兼都知兵馬使以成德軍中軍兵馬使銀  
青光祿大夫檢校太子賓客兼監察御史上柱國王景  
胤可本官深州刺史本州團練守捉使檢校左散騎常  
侍右神武大將軍知軍事王紹孚可落起復依前右神  
武大將軍紹懿紹孚鎮州王紹鼎之弟也景胤紹鼎子

也。以朝請大夫檢校刑部尚書華州刺史上柱國鄧縣  
開國男食邑三百戶賜紫金魚袋蕭倣爲太子賓客分  
司東都夏四月以職方郎中知制誥裴坦爲中書舍人  
以朝議大夫權知京兆尹崔郢爲濮王傅分司東都以  
決殺府吏也以江西觀察使洪州刺史御史中丞上柱  
國賜紫金魚袋張毅夫爲京兆尹以鳳翔節度使正議  
大夫檢校戶部尚書兼鳳翔尹上柱國襲晉國公食邑  
三千戶襲實封一百五十戶裴識可許州刺史忠武軍  
節度陳許蔡觀察等使以吏部侍郎盧懿檢校工部尚  
書兼鳳翔尹御史大夫鳳翔隴右節度使以中書舍人

鄭憲爲洪州刺史御史中丞江西都團練觀察處置等  
使仍賜紫金魚袋以安南宣慰使右千牛衛大將軍朱  
涯爲安南都護御史中丞本管經畧招討處置等使以  
幽州節度使張允伸弟允中爲荊州刺史允干檀州刺  
史允辛安塞軍使允舉納降軍使竝兼御史中丞以前  
邠寧節度使朝議大夫檢校工部尙書邠州刺史上柱  
國賜紫金魚袋柳憲可檢校禮部尙書河南尹五月以  
職方郎中李元爲壽州刺史

容管軍亂逐其  
經畧使王球

六月以朔

方靈武定遠等城節度使朝散大夫檢校左散騎常侍

靈州長史上柱國賜紫金魚袋劉潼爲鄭州刺史馳驛

赴任以給邊兵糧不及時也以安南都護宋涯爲容州

刺史容管經畧招討處置等使制皇第三男灌案宣宗

滋已封夔王矣封衛王新書在十第十一男灌封廣王

灌非第三男誤以朝散大夫守兵部侍郎判度支上柱國彭城

縣開國男食邑三百戶賜紫金魚袋蕭鄴本官同中書

門下平章事判度支新書在七以右監門衛將軍知內

侍省事清河公崔巨淙爲淮南監軍以特進檢校司空

兼太子太傅分司東都上柱國扶風郡開國公食邑二

千戶杜悰本官判東都尙書省兼御史大夫東都留守

東畿汝都防禦使秋七月以飛龍使宮闈局令王歸長



守內侍省內常侍知省事充內樞密使責授邠州員外

司馬張直方爲右驍衛大將軍八月成德軍節度使檢

校右僕射王紹鼎卒贈司空賻布帛三百段

新書在七月案本傳

當從新書

以皇子昭王汭爲開府儀同三司守鎮州長史成

德軍節度鎮冀深趙觀察等大使以成德軍節度副使

都知兵馬使左司馬知府事御史中丞王紹懿爲成德

軍副使留後以義武軍節度易定觀察等使檢校禮部

尙書定州刺史上柱國滎陽縣開國男食邑三百戶鄭

涯檢校戶部尙書汴州刺史上柱國宣武軍節度副大

使知節度事宋亳汴觀察亳州太清宮等使以四鎮北

庭行軍涇原渭武節度使銀青光祿大夫檢校右散騎  
常侍涇州刺史御史大夫上柱國范陽縣開國男食邑  
三百戶盧簡求可檢校工部尙書定州刺史義武軍節  
度易定觀察北都天平軍等使以鹽州防禦押蕃落諸  
軍防秋都知兵馬使度支烏池權稅等使檢校右散騎  
常侍鹽州刺史上柱國賜紫金魚袋陸耽代簡求爲涇  
原節度使以翰林學士朝散大夫中書舍人賜紫金魚  
袋曹確權知河南尹汝州防禦使令狐緒有善政郡人  
詣闕請立德政碑頌緒以弟綯在中書上表乞寢從之  
以太常卿蘇滌爲兵部尙書權知吏部銓事以銀青光

祿大夫守散騎常侍上柱國渤海郡開國伯食邑七百  
戶封敖爲太常卿是月熒惑犯東井九月以秦州刺史  
李承勛爲朝散大夫檢校工部尙書涇州刺史四鎮北  
庭行軍涇原渭武節度使以禮部郎中楊知溫充翰林  
學士以中散大夫禮部侍郎上柱國賜紫金魚袋杜審  
權爲陝州長史兼御史大夫陝虢都防禦觀察處置等  
使以銀青光祿大夫檢校司空兼太子太師上柱國范  
陽郡開國公食邑二千戶盧鈞檢校司空同平章事興  
元尹山南西道節度使右補闕陳嘏左拾遺王譜右拾  
遺薛廷傑上疏諫遣中使往羅浮山迎軒轅先生詔曰

朕以萬機事繁躬親庶務訪聞羅浮山處士軒轅集善能攝生延齡益壽乃遣使迎之或冀有少保理也朕每觀前史見秦皇漢武爲方士所惑常以之爲誠卿等位當論列職在諫司閱視來章深納誠意仍謂崔慎由曰爲吾言於諫官雖少翁樂大復生不能相惑如聞軒轅生高士欲與之一言耳宰相鄭朗累月請告三章求免是月乙未彗出於房初度長三尺冬十月壬子制通議大夫守中書侍郎禮部尙書同平章事監修國史上柱國賜紫金魚袋鄭朗可檢校右僕射兼太子少保當作太子少師以山南西道節度使中散大夫檢校禮部尙書興元尹

上柱國賜紫金魚袋蔣係權知刑部尙書宰相崔慎由

監修國史蕭鄴兼集賢殿大學士

表蕭鄴罷度支

以華州刺史

高少逸爲左散騎常侍以蘇州刺史裴夷直爲華州刺

史潼關防禦鎮國軍等使以太常少卿崔鈞爲蘇州刺

史入迴鶻冊禮使衛尉少卿王端章貶賀州司馬副使

國子禮記博士李潯貶郴州司馬判官河南府士曹李

寂貶永州司馬端章等出塞黑車子阻路而迴故也以

成德軍觀察留後御史中丞賜紫金魚袋王紹懿檢校

工部尙書兼鎮州長史御史大夫成德軍節度鎮冀深

趙觀察等使以中書舍人李藩權知禮部貢院十一月

太子少師鄭朗卒贈司空銀青光祿大夫檢校左僕射  
兼太子太保右羽林統軍御史大夫上柱國滎陽縣開  
國男食邑三百戶鄭光卒輟朝三日贈司徒仍令百官  
奉慰上之元舅也

表已未

宰相崔慎由爲中書侍郎兼禮

部尚書蕭鄴兼工部尚書餘竝如故十二月以昭義軍  
節度使朝議大夫檢校工部尚書上柱國平陰縣開國  
男食邑三百戶畢誠爲太原尹北都留守河東節度使  
朝議大夫檢校禮部尚書兼太原尹北都留守上柱國  
賜紫金魚袋劉瑑爲戶部侍郎判度支以翰林學士承  
旨通議大夫守戶部侍郎知制誥上護軍賜紫金魚袋

蔣伸爲兵部侍郎充職以金紫光祿大夫守太子少保  
分司東都上柱國河東縣開國子食邑五百戶裴休檢  
校戶部尙書兼潞州長史昭義軍節度副大使知節度  
事潞磁邢洺觀察等使以正議大夫行兵部侍郎上柱  
國河東縣開國男食邑三百戶賜紫金魚袋柳仲郢本  
官兼御史大夫諸道鹽鐵轉運使以正議大夫檢校戶  
部尙書兼太子賓客上柱國賜紫金魚袋孔溫業本官  
分司東都以病請告故也禮部郎中楊知溫本官知制  
誥充翰林學士以幽州中軍使檢校國子祭酒幽府左  
司馬知府事御史中丞張簡真檢校右散騎常侍允伸

之子也以中散大夫權知刑部尙書上柱國賜紫金魚  
袋蔣係檢校戶部尙書兼鳳翔尹御史大夫鳳翔隴右  
節度觀察處置等使是歲舒州吳塘堰有衆禽成巢濶  
七尺高一丈而水禽山鳥鷹隼燕雀之類無不馴狎又  
有鳥人面綠毛爪喙皆紺色其聲曰甘人呼爲甘蟲

新書

五行志  
作十年

十二年春正月以晉陽令鄭液爲通州刺史羅浮山人  
軒轅集至京師上召入禁中謂曰先生遐壽而長生可  
致乎曰徹聲色去滋味哀樂如一德施周給自然與天  
地合德日月齊明何必別求長生也留之月餘堅求還



山以前鄉貢進士于琮爲祕書省校書郎尋尙皇女廣德公主改銀青光祿大夫守右拾遺駙馬都尉以安南本管經畧招討處置使朝散大夫檢校左散騎常侍安南都護御史大夫賜紫金魚袋李宏甫爲宗正卿以中大夫守京兆尹上柱國賜紫金魚袋張毅夫爲鄂州刺史御史大夫鄂岳蘄黃申都團練觀察使以太中大夫福州刺史御史中丞上柱國賜紫金魚袋楊發檢校右散騎常侍廣州刺史御史大夫嶺南東道節度觀察處置等使以朝散大夫守康王傅分司東都上柱國襲魏郡開國公食邑二千戶賜紫金魚袋王式爲安南都護

兼御史中丞安南本管經畧招討處置等使以朝請大  
夫守太子賓客分司東都上柱國鄧縣開國男食邑三  
百戶賜紫金魚袋蕭俛守太子少保分司以朝請大夫  
檢校左散騎常侍右金吾大將軍充右街使上柱國襲  
太原郡開國公食邑二千戶賜紫金魚袋王鎮檢校左  
散騎常侍使持節都督福州諸軍事兼福州刺史御史  
大夫福建都團練觀察處置等使以翰林學士朝議郎  
守司勳郎中知制誥賜緋魚袋孔溫裕爲中書舍人充  
職以右驍衛上將軍李正源守大內皇城留守戊戌以朝  
議大夫守戶部侍郎判度支上柱國賜紫金魚袋劉瑑

本官同中書門下平章事判度支以大中大夫守中書

侍郎兼禮部尚書同平章事監修國史上柱國賜紫金

魚袋崔慎由檢校禮部尚書梓州刺史御史大夫劍南

東川節度副大使知節度事代韋有翼

新書在二月壬申

以有

翼爲吏部侍郎二月以前邕管經畧招討處置等使朝

議郎邕州刺史御史中丞賜紫金魚袋段文楚爲昭武

校尉右金吾衛將軍以朝議郎守中書舍人權知禮部

貢舉上柱國賜緋魚袋李藩爲戶部侍郎以朝散大夫

守工部尚書同平章事集賢殿大學士上柱國彭城縣

開國男食邑三百戶賜紫金魚袋蕭鄴監修國史以朝

議大夫守戶部侍郎同平章事判度支上柱國賜紫金魚袋劉瑑可集賢殿大學士以渤海國王弟權知國務大虔晃爲銀青光祿大夫檢校祕書監忽汗州都督渤海國王以兵部侍郎柳仲郢爲刑部尙書以朝議大夫守戶部侍郎判戶部事上柱國賜紫金魚袋夏侯孜爲兵部侍郎諸道鹽鐵轉運使以朝請大夫權知刑部侍郎賜紫金魚袋杜勝爲戶部侍郎判戶部事以光祿大夫守左領軍衛大將軍分司東都上柱國會稽縣開國公食邑一千五百戶康季榮檢校右僕射兼左衛上將軍分司貶利州刺史杜倉賀州司戶蔡州刺史李叢邵

州司馬以工部郎中知制誥于德孫庫部郎中知制誥  
苗恪竝中書舍人依前翰林學士以前右金吾衛將軍  
鄭漢璋前鴻臚少卿鄭漢卿竝起復授本官國舅光之

子也以銀青光祿大夫行給事中駙馬都尉衛洙爲工

部侍郎前濮王傅分司皇甫權爲康王傅分司以庫部

員外郎史館修撰李渙爲長安令廢穆宗忌日停光陵朝拜及守陵宮人

閏月以司農少卿盧籍爲代州刺史前江陵少尹杜惲

爲司農少卿以河東馬步都虞候段威爲朔州刺史天

寧軍使兼興唐軍沙陀三部落防遏都知兵馬使自十

雨至於三月監夏四月庚子嶺南軍亂逐  
軍楊元价殺其刺史劉臯其節度使楊發表已酉

蕭鄴為中書侍郎兼禮部尚書劉瑑為工部尚書五月以兵部侍郎諸道鹽鐵

轉運使夏侯孜本官同中書門下平章事新書在四月戊申○庚辰

湖南軍亂逐其節度使韓琮六月丙申江西都將毛鶴辛亥南蠻攻

安南府秋七月容州將來正反伏誅八月洪州賊毛鶴合宣州賊康

全泰攻掠郡縣詔兩浙兵討平之宣歙將康全泰逐其觀察使鄭薰淮南節

度使崔鉉兼宣歙池觀察處冬十月康全泰伏誅表癸

十一月己未令孤絢為尚書左僕射十二月太子少保魏謩卒贈司徒毛

伏誅甲寅兵部侍郎判戶部蔣伸同中書門下平章事

十三年春正月以陝虢觀察使杜審權為戶部侍郎判

戶部事戊午大赦蠲度支三月宰相蕭鄴罷知政事守

吏部尙書

新書在十一月懿宗卽位當從新書

夏四月以翰林學士承旨

兵部侍郎知制誥蔣伸本官同中書門下平章事

新書在十

二年十二月甲寅當從新書

五月上不豫月餘不能視朝秋八月七

日

壬辰

宣遺詔立鄆王爲皇太子勾當軍國事

左神策軍護軍中尉

王宗實立鄆王溫爲皇太子

是日

癸巳

崩於大明宮

咸寧殿

聖壽五十詔

門下侍郎同平章事令狐綯攝冢宰羣臣上諡曰聖武

獻文孝皇帝廟號宣宗

咸通十三年加諡元聖至明成武獻文睿智章仁神聰懿道大

孝皇

十四年二月葬於貞陵

史臣曰臣嘗聞黎老言大中故事獻文皇帝器識深遠

久歷艱難備知人情疾苦自寶祿已來中人擅權事多

假借京師豪右大擾窮民洎大中臨御一之日權豪斂迹二之日姦臣畏法三之日閹寺讐氣由是刑政不濫賢能效用百揆四岳穆若清風十餘年間頌聲載路上宮中衣澣濯之衣常膳不過數器非母后侑膳輒不舉樂歲或小饑憂形於色雖左右近習未嘗見怠惰之容與羣臣言儼然煦接如待賓僚或有所陳聞虛襟聽納舊時人主所行黃門先以龍腦鬱金藉地上悉命去之宮人有疾醫視之旣瘳卽袖金賜之誠曰勿令敕使知謂予私於侍者其恭儉好善如此季年風毒召羅浮山人軒轅集訪以治國治身之要其伎術詭異之道未嘗



措言集亦有道之士也十三年春堅求還山上曰先生  
少留一年候於羅浮山別創一道館集無留意上曰先  
生捨我亟去國有災乎朕有天下竟得幾年集取筆寫  
四十字而十字挑上乃十四年也與替有數其若是乎  
而帝道皇猷始終無闕雖漢文景不足過也惜乎簡籍  
遺落舊事十無三四吮墨揮翰有所慊然

贊曰李之英主實惟獻文秕稗盡去淑慝斯分河隴歸  
地朔漠消氛到今遺老歌詠明君

唐書卷第二十